



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>







CATECISMO
DE LA
DOCTRINA CRISTIANA

EN LA LENGUA DE
ISINAY Ó INMEAS,
REGIDO, AÑADIDO Y REDACTADO EN MEJOR FORMA
DEL ANTIGUO MANUSCRITO,

POR
R. P. EX-PROVINCIAL FR. FRANCISCO ROCAMORA,
siendo Vicario de Dupax.

SE REIMPRIME POR ORDEN DE
[M. R. P. FR. RUPERTO ALARCON
Prior Provincial
DEL SANTÍSIMO ROSARIO DE FILIPINAS.

CON LAS LICENCIAS NECESARIAS.

MANILA
IMPRENTA DE SANTO TOMÁS,
Á CARGO DE D. PEDRO MEMIJE.

1876.



DOCTRINA CRISTIANA.

DASAL YNIMMEAS.

Pancruzar.

Apu min Dios ☩ ybaliu raami ysiät eom miar dari ☩ si ar tandan di santa cruzar ☩ si nğaron di Amar, on Aná-ar, ☩ on Espiritu Santoar. Amen Jesus.

Anamiar.

Ama min vara át viopar: ygalang di nğaron muar dumatong yramir panariamar: maunur otiaŕ ajaijayamar situ pióar si atdit viopar.

Uar anon miar si opung si eajao atdom yramit eajauar besan: on ipatauar mu yramir otang miardari si atdit pa-



***Manutuar.***

Manutuâ si Diosar Ama, manaraum si loman, namalsat, viopar, on piôar. Manutuâ pat Anânar tanir si Jesu-Christon Aputau, an nisisipét apian di Diosar Espiritu Santo: yn-anâ Santa Marian Virgen: ynparirdirilan di Ojomar Poncio Pilato; nipasaj si Cruzar, natoy, on nilubu. Linmasún si Infiernosardari; ynmulin matajut atlunar eajao. Nanayáng si viopardari; manmeong si uauanón di Diosar Aman manaraum si loman. Mibus sirri umalit tun mangojom si matajuardari, on natoy. Manutuâ si Espíritu Santoar.

Tutuô par Santa Iglesias Catholica; panninganabang di Sasantosardari; pamatá-uarar si casalananardari: tutuô par yu-ulirar matajur batang di tajuardarin lom-an, on atajuanar neir tunana. Amen Jesus



Salvear.

Salve-Ari, ynan maayayú. Siat atajuan asingaoan, on pandean mi. Salve Ari Siat ayayajan min napúpú, an anâ Eva Siat panbun-osan min manayuong on manibil sitie piôar panlúan. Anán mos Apu an manguilaua yrami, ituilim yrami saranan matam maayayú: on tayanen m~~y~~-lar piôar, ya pabatar mu yramit 3

sus, mabenditon bungan di putumar;
Á majogôgôs! Á maayayú! ; Á māmīs
Vírgen María! Ypajôgos daami ysian
masantos ynan di Diosar; ta mipajná
amin minabang si ynsipan di Aputauar
Jesu-Christo. Amen Jesus.

Tongtong di Diosar.

Uar tongtong di Diosar, ot sinpiura:
Uar tiuardarin maunan tongtong, ot to-
nan di panguigalangar si Diosar: Uar
urrunardarin pitun miseseunur ot to-
nan di panpebbesar, on panguigalangar
si ysuar taju.

Uar aruanar tongtong: aruom di Diosar
mu si lomanar.

Uar aruanar: marrian manpajuben
manguisumpat masantosar ngaron di
Diosar.

Uar atlunar: manpaniao at Simbardari,
on fiesta.

Uar apatnar: igalang mu ra aman, on
ynam.

Uar alimantar: marrián mamatóy.

Uar anomnar: marrián amoy si boonar
asauam.

Uar apitunár: marrián manga-ao.

Uar aueunár marrián: mangatajatac
on manburburuy.

Uar asianínar: urriam yluéan di asauar
di ysumar taju.

Uar apiunár: urriam pay yluéan di
bandin di ysumar taju.

Saratien sinpiun tongtong, dua et atipujanda: Uar maunár ot aruom di Diosar mu si lom-anar. Uar aruanar áruom di ysumar tajut atna ysia. Amen Jesus.

Tongtong di Ynatauar Santa Iglesia.

Uar tongtong di ynatauar Santa Iglesia ot limara.

Uar maunár tongtong: miseom at osau Misa si Domingoardari, on fiesta.

Uar aruanar: mauconfesal át manping-san si opung di tauonar, on atdi pay, mu uarat yeajem si atayam.

Uar atlunár: minabang át Pasquan di ynulianár matajor Aputauar Jesu-Christo.

Uar apatnár: manayunal át panpaayunalan di ynatauar Santa Iglesia.

Uar alimánar: manbayar át ynatauar

Santa Iglesias diezmosardari, on primicias.

Sacramenton di Ynatauar Santa Iglesia.

Uar Sacramenton di ynatauar Santa Iglesia, ot pitura.

Uar maunar Sacramento: Bautismo, ar panbautizoar.

Uar aruanar: Confirmacion, ar panpas-dear si panutuar.

Uar atlunar: Penitencia, ar panconfe-salar.

Uar apatnar: Comunión, ar pinabangar si mablear batang di Aputauar Jesu-Christo.

Uar alimauar; Extremauncion, ar pan-guipúnas di padrear si masantosar lanat manatungardari.

Uar anomnar: Orden, ar panpa-padrear.

Uar apitunar: Matrimonio, ar panca-sal di cristianoardari. Amen Jesus.

Articulosardari.

Uar Articulosardarin tona taun tu-tuon, ot sinpiura ot opat.



1. The first of these is the fact that the
 Government has been unable to secure the
 necessary funds to carry out its policy.
 2. The second is the fact that the
 Government has been unable to secure the
 necessary funds to carry out its policy.
 3. The third is the fact that the
 Government has been unable to secure the
 necessary funds to carry out its policy.
 4. The fourth is the fact that the
 Government has been unable to secure the
 necessary funds to carry out its policy.
 5. The fifth is the fact that the
 Government has been unable to secure the
 necessary funds to carry out its policy.
 6. The sixth is the fact that the
 Government has been unable to secure the
 necessary funds to carry out its policy.
 7. The seventh is the fact that the
 Government has been unable to secure the
 necessary funds to carry out its policy.
 8. The eighth is the fact that the
 Government has been unable to secure the
 necessary funds to carry out its policy.
 9. The ninth is the fact that the
 Government has been unable to secure the
 necessary funds to carry out its policy.
 10. The tenth is the fact that the
 Government has been unable to secure the
 necessary funds to carry out its policy.

nânanar, Virgen si naabusanan nananân,
on Virgen paylan sinapat.

Uar atlunar: tutuón, ta siat ynparirdi-
rila, on ynpapatoy si ar ynpannob nar
yritaun macasalanan.

Uar apatnar: tutuón, ta siat linmasun
si Infiernosardari, on ynsaiat nar An-
guen di santosardarin aman nansor sir-
rit masantosar dinatngana.

Uar alimanan: tutuón, ta siat ynmu-
lin matajot atlunar eajao si natayána.

Uar anomnar: tutuón, ta siat nauayáng
si viopardari, on nanmeong si uauanón
di Diosar Aman manaraum si lom-an.

Uar apitunar tutuón, ta siat umalin
mangojom si matajuardari, on natoy,
ta payatuonat Glorianar di mebesarda-
rin taju; toy sinumpaldat tongtongnar
darin masantos; on ta pasaitona bayao
si manoy lan manoy di mardajardarin
taju; toy inurrian da riran sinumpal.

***Uar casalananardarin eapuan di
urumardarin casalanan ot pitura.***

Uar maunar: Aatajayan si pusú.

Uar aruanar: Agum.

Uar atlunar: Burruy.

Uar apatnar: Alijaja.

Uar alimantar: Bu-û.

Uar anomnar: Apa.

Uar apitunar: Eas.

Uar Virtudesardarin cumontrat pituardatien casalanan ot pitura.

Uar maunar: Humildad.

Uar aruanar: Simô.

Uar atlunar: Liting.

Uar apatnar: Tipe.

Uar alimantar: Laua.

Uar anomnar: Gôgôs.

Uar apitunar: Gajea.

Apiardarin Gôgôs.

Uar apiardarin gôgôs, ot simpiura ot opat. Uar pituardarin mauna, ot tonan di batangar: Uar urrumardarin pitu, ot tonan di anguear: Uar pituardarin tonan di batangar, ot saratu.

Uar maunar palangayar si manatungardari.

Uar aruanar: pamaanar si masiringanar.

Uar atlunar: panpaynumar si mauauar.

Uar apatnar: pamunbunar si neirar
bunbuna.

Uar alimantar: pamanguiliar si majogô-
sanardarin taju.

Uar anomnar: pannobar si binilayar.

Uar apitunar: panguilubuar si nato-
yardari.

Uar pituardarin tonan di anguear, ot
saratu.

Uar maunar: pangáralar si neirar am-
tana.

Uar aruanar: pangatórar si mebbes tu-
jun si manpilitar.

Uar atlunar: panongtongar si miséuar.

Uar apatnar: pamatauarar si manse-
sclatardari.

Uar alimantar: panpalingálingar si me-
ongcotardari.

Uar anomnar: pantipear si açolangan
di ysuar taju.

Uar apitunar: panguipajôgôsar si Dio-
sar si matajuardari, on natoy. Amen Je-
sus.

Pear di tajuar.

Uar pear di tajuar ot ueura.

Uar maunar: mapear di meupsutarda-

rit pusurar deum, toy dirat mantona panarianar si viopar.

Uar aruáñar: mapear di mayam-osa darin taju; toy dirat mantonat piôar.

Uar atlunar: mapear di manibilarda rin taju; toy dirat mieat alingalingan da.

Uar apatnar: mapear di mabitilardari, on mauauardarit catuliranar: toy dirat mabsuj.

Uar alimantar: mapear di majogôgô-sardarin taju; toy dirat manguelat gôgôs.

Uar anomnar: mapear di malitingardarit pusurar; toy dirat mibatar si Diosar.

Uar apitunar: mapear di majinôardarin taju; toy dirat maingaranan si Anà di Diosar.

Uar aueunar: mapear di mantipeardarit sait, si ar pangunurdar si mebbesar; toy dirat nantonat panarianar si viopar. Amen Jesus.

Uar panaraum di anguear, ot tiura.

Uar maunar: Nomnom.

Uar aruanar: Ysip.

Uar atlunar: Gaijaya.

Uar panguinan di balangar, ot timara.

Uar maunar: Panbatar.
Uar aruanar: Pandongue.
Uar atlunar: Panepa.
Uar apatnar: Panamitam.
Uar alimauar: Pangdon.

Uar eom di angueur, ot tiura.

Uar maunar: Mundo.
Uar aruanar: Diablo.
Uar atlunar: Batang.

***Uar virtudesardarin mainġaranan
si Teologues, ot tiura.***

Uar maunar: Panutua.
Uar aruanar: Pansor.
Uar atlunar: Pangaru.

***Uar virtudesardarin mainġaranan
si Cardinales, ot opat.***

Uar maunar: Ojór.
Uar aruanar: Tulir.

Uar atlunar: Sorè.

Uar apatnar: Láua.

Uar arapusan tauar tujo, ot opatch

Uar maunar: Atayán.

Uar aruanar: Pangójom.

Uar atlunar: Infernos.

Uar apatnar: Glória.

Uar ilang di Espiritu Santoar, a pitura.

Uar maunar: Ylang si Ynaamta.

Uar aruanar: Ylang si Ysip.

Uar atlunar: Ylang si Tujun.

Uar apatnar: Ylang si Sorè.

Uar alimanan: Ylang si Sabiduria.

Uar anomnar: Ylang si Gôgôs.

Uar apitunar: Ylang si taut si Diosar

Uar bungan di Espiritu Santoar, a sinpitura ta dua.

Uar maunar: Aru, ó Caridad.

Uar aruanar: Gaijayan di anguear.

Uar atlunar: Ajinóan di pusuar.

Uar apatnar: Tipe.

Uaralimanar: Pannarnarar si mebbesar.

Uar anomnar: Ajamuam manpebbes si
ysuar taju.

Uar apitunar: Asingauan di anguear
manguirunan si gôgôsar.

Uar aueunar: Talayáp.

Uar asiamnar: Pangunur sinapat si tuar.

Uar apiunar: Guirao.

Uar apiunar ta osa: Pamuor si ajamua-
mardarin mardaj.

Uar apiunar ta dua: Alitingan di an-
guear on batangar.

***Uar ylang di batang di lajuardarin
minabang si Diosar, ot opatda.***

Uar maunar: Soné.

Uar aruanar: Sauang.

Uar atlunar: Yloj.

Uar apatnar: Auayran si Sait.

***Uar bungbung di Diosar si tajuar
situ pioar, ot tiura.***

Uar maunar: Siring.

Uar aruanar: Beunit.

Uar atlunar: Beandaj.

Uar apiardarin panbayar si casalanamar, ot tiura.

Uar maunar: Panalanguen.

Uar aruanar: Ayunal.

Uar atlunar: Limos.

Uar casalananardarin man-ayaj si pameus di Diosar, ot opatda.

Uar maunar: Pamatoyar si tajot boon catuliran.

Uar aruanar: Sodomia, an casalanan si burruy, an maspajan güet.

Uar atlunar: Panlupijar si pobreardari, nanbeu on naulila.

Uar apatnar: Ariar panbayar si mitangdanar.

Uar casalananardarin lunaban si manbotao si Diosar Espiritu Santo, ot onom da.

Uar maunar: Panbit-ear mibus si ariar pansor si gôgôs di Diosar, si ar aamma-yanar, ó niu are-ean di casalananardari.

Uar aruanar: Pansorar si apatauaran
di casalanauardari si neir pantutuyu yrira.

Uar atlunar: Panlabanar si tuar, an
manbotao.*

Uar apatnar: Pangápar si Graciar, an
ijôgôs di Diosar si tajuar.

Uar alimantar: Pannarnarar sinapat si
casalananar.

Uar anomnar: Ariar pantutuyut casa-
lananar sinapat lau sinapat.

***Uar sacramentalesardari, an apa-
tauaran di casalananar urriti, ot
siam da.***

Uar maunar: Pimisar si masingao si
pusu.

Uar aruanar: Pancomulgarar, ó pina-
bangar si maliting si pusu.

Uar atlunar: Pisermonar si mebbes.

Uar apatnar: Pamendicion di Señorar
Obispo.

Uar alimantar: Pandasalar si Amamiar.

Uar anomnar: Pandasalar si Saonar
macasalanau.

Uar apitunar: Panguear si danumar
mabendita.

Uar aueunar: Panganar si tinapayar mabendito.

Uar asiamnar: Pantutuyuar, on pandogalar piddao si patauar si Diosar.

Confesionar.

Saon macasalanan manconfesalá si Diosar manaraum si lom-an, y Santa Marían Vírgen sinapat, y san Miguel archángel, y san Juan Bautista, si santosardarin apóstoles san Pedro, on san Pablo, y Santo Domingo, si santosardarin loman, on ysiá pay Padre; toy niseuá si ammaid pannomnom uár, on tubutbêar on apiâ-ar; niseuâ eman Padre, niseuâ, niseuâ emat ammay, umdajolan pajôgôgosâ y Santa Marían Vírgen sinapat, y san Miguel archángel, y san Juan Bautista, si santosardarin apóstoles san Pedro, on san Pablo, y Santo Domingo, si santosardarin loman, on ysiá pay Padre; ta ypajôgôsâ ysiat Aputauar Dios. Amen Jesus.

Panguirunan si Pantutuyu.

Apû Jesu-Christo, Dios ya taju pay

tua, namalsa, on nannob ysaon, tutu-
yuâ si puşuar di lom-anar casalatan
ynappiâ, an ipangui-orojû ysian Dios û,
an aruô, on pableô mu si lom-anar: Um-
dajolan manpingotâ si masde, an marri
mos manpiruan mancasalatan; mu dâ-
danâ ysiat mablear Graciam; on man-
guitiangâ pay lan manguiaddauit loma-
nar, an maraum manpacasalatan: on
manping-otâ pat masde, an manconfesal,
on manumpal si penitenciar, an peanur
atdon di Padrear ysaon si casalana-arda-
rin ynapiâ man-oy si eajauar besan.
Middauâ si patauar ysiâ, on ylaloä si
masder pamatauar muar ysaon si ar yn-
papajnan di ynarirdirilamar masantos,
an ynpannob mu ysaon. Amen Jesus.

APTIOY A-NÛNUAN

DI DASALAR YNIMMEAS.

LICION 1.

M. ; Christiano á?

D. Ó Ama: christiano â si ar gôgôs di Diosar ysaon.

M. Ngat atodájan si christiano?

D. Tajun nabautizoan, an manutua y Jesu-Christo man-oy si arálnar masantos, on mangunur paylat tongtong di Diosar, on tongtong di ynatauar Santa Iglesia.

M. Sirat Dios?

D. Osan Apun mebbes lan panunan magôgôs, maamtá, manaraum si lom-an, on siat manangdan si mebbesardari, on manusat mardajardari.

M. Dat ittuan di Diosar?

D. Dioy sirri viopar, on tuoy si lom-anar; toy siar namalsat ganaganardari, manpauara yrira, mapsajung, on manalinu yrira.

M. Uara or si neapuan di Diosar?

D. Neir lan neapua, toy sia bayao si neapuan di lom-anar.

M. Uara or si batang di Diosar si attu payla yritau?

D. Neir batangna.

M. Uarat matana?

D. Neirla.

M. Neir ylan matan di Diosar, tangat innunan manbatar si lom-anar.?

D. Esepnar.

M. Uara or si liman di Diosar?

D. Neirla.

M. Tangat innunan namalsat lomnar?

D. Panaraumnar.

M. Uara or si anguen di Diosar?

D. Neirla; toy uar anguear ot pinalsa, on uar Diosar, ot namalsa.

M. Ngan mos si ynnun di diosar mu neir batangna, on angue?

D. Uar Diosar, ot osan Espiritun mapasij.

M. Sinunuran Dios?

D. Osossea.

M. Sinunuran personas di Diosar?

D. Tiura.

M. Tangan di ngaron dar?

D. Uar maunar personas, ot maingara-

nan si Ama: uar aruanar, ot maingaranan si Anà; on uar atlunar personas ot maingaranan si Dios Espiritu Santo.

M. Uar Amar ot Dios tuan ngon?

D. O Ama.

M. Uar Espiritu Santoar ot Dios tuan ngon?

D. O Ama.

M. Tiuran Dios ór di tiuardarin personas?

D. Boon; toy ampaylamo nanbôbon di tiurdarin personas mu osossear ynarios dar.

M. Siran yriran tiun personas si mauna?

D. Neir lan mauna, on dauay irira; toy manisisurean tiun personas.

M. Ngat atodajan si personas?

D. Ar uarar si esep, on gaijaya.

LICION 2.

M. Siran yriran tiun personas si naapian taju, on nan-nob yritau?

D. Ar aruanar personas, an si Dios Anâ.

M. Uar Diosar Ama, ot naapian taju payla?

- D. Marri.
- M. On uar Diosar Espíritu Santo, ot naapian taju?
- D. Marri; toy abus lar Diosar Anâ si naapian taju.
- M. Ngat ynnunan naapian tajur Diosar Anâ?
- D. Boon apian si leay; mu marrin abus apia, on panaraum di Diosar Espíritu Santo.
- M. Pingsanean nabus naapian tajur Anâ di Diosar, tangan di ngaronar?
- D. Si Jesu-Christo.
- M. Sirat Jesu-Christo?
- D. Anâ di Diosar Ama, on Anâ pay Santa Marían Vírgen, an Dios tua, on taju pay tua.
- M. Sirat Santa Marían Vírgen?
- D. Osan Señoran maliting lan panunan, an pinilin di Diosar si piynan di Anànar.

LICION 3.

- M. Tangat naapianan tajur Anâ di Diosar?
- D. Ta sonban ditau ysiat natayanar, ma-

santos, on manguitutturu yritaut deanar, an amoy si viopar.

M. Anianar ynpannobuar yritau?

D. Ynparirdirila, ynpapasaj si Cruzar, on natoy sirrit ynpanbayarnat casalanan di tajuar lom-an.

M. On tangan dien casalanan, an nampardaj yritau?

D. Ar casalananar, an tinauir taut da-deetauardarin nauna Adan, on Eva, on casalanan tauardari payla.

M. Uat natayán di Aputauar Jesu-Christot Cruzar, natoy ngon si Ynariosnar?

D. Uar Aputauar Jesu-Christo, ot marrin natoy si Ynariosnar; toy uar Diosar ot marrin maraum matoy; mu toy taju payla, ot natoy; toy nisian di anguenar, si batangnar.

M. Pingsanean nisian di anguen Jesu-Christoar si batangnar? nibisa or yirran duar Ynariosnar?

D. Marri; toy uar Ynarios Jesu-Christoar, ot ynurianan sinapat tinayanan di anguenar, on batangnar.

M. On dat ynayan di anguenar, si nibisa-anat batangnar.

D. Ynmoy nanguisayat si anguen di san-

tosardarin damdamâ, an nansor ysiat di infiernosar naingararan si liang Abrahamar.

- M. Ngat ynnun di batang Jesu-Christoar si podaj di natayanar?
D. Nilubû si ossan lubû an beu, an neir lan nilubûan si batang si taju.

LICION 4.

- M. Nan-narnar ór di batang di Aputauar Jesu-Christot deen eajao si lubunar?
D. Marri ama; toy ua y Jesu-Christo, ot ynmulin mataju, on binmuttan magloriat lubunar si atlunar eajao si podajnan natoy.
M. Sin-unun eajao si nittuan Jesu-Christot tu piôar si podajnan ynmulin mataju?
D. Opat apiun eajao si nittuanat tu piôar on nanayang mos si viopar.
M. Dat yttuan di Aputauar Jesu-Christo?
D. Uar aputauar Jesu-Christo ot dioy sirri viopar man-oy si mablear Santísimo Sacramentot altarak: on aniana ylar aatajayanar, on panaraumnar si

viopar, ya atdi paylar panaraumnar, on aatajayanar si mablear Sacramentot altarar.

M. Umali ngon tat tu pioar di Aputauar Jesu-Christo?

D. O Ama: umali tu piôar si yubot di ejauar, on mangojom si ganaganan di tajuardari.

LICION 5.

M. Siran di Espíritu Santoar?

D. Uar Espíritu Santoar, ot ar atlunar personas di masantosar lan panunan Trinidad, an meaput ynpansin-aruran sin Ama, on Dios tuat atdir Amar, on Anâ-ar.

M. Ngat atodajan si santa Iglesia cathólica?

D. Atipujan di christianoardarin manutuat Diosar man-oy si santo Papar.

M. Siran di santo Papar?

D. Osan taju, an sanot di Aputauar Jesu-Christot tu piôar, Yiun di santa Iglesias, on siat tonan unuron, on, tutuon di christianoardarin loman.

M. Ngat atodajana rie: panynnanabang di santosardari?

- D. Uar atodajanar ot ta uar lomanar-darin christiano, an neir casalanen dat ammay, ot manynnanabang dat apiar-darin mebbes, an appionda.

LICION 6.

- M. Ngat atodajana rie: pamatauarar si casalanenardari?
- D. Uar atodajanar, ot ta uarat santa Iglesias si panaraumnun mamatauar si casalanenardarin lom-an, on uatien panaraum ot ynator di Aputauar Jesu-Christot santa Iglesias si ar ammayar gôgôsna yritaun taju.
- M. Ngat atodajan si casalanen?
- D. Ar panlabanar si tongtong di Diosar si esepar, gajayar, bâbâ, ó apia.
- M. Tangat apion di casalanenar ammay si anguear?
- D. Tiut appiona: uar maunar, ot ánonan poddar Graciar si anguear: uar aruanar, ot pibusyuyenar anguear si Diosar: on uar atlunar, ot manpatodaj si anguear si infiernosar.
- M. Tangat pamatauar di santa Iglesias si casalanenar ammay?

D. Uar casalanamar ammay, an ynappian di tajar si nanungnatay maubautizo, ot mapatauaran si Sacramenton di Bautismoar: mu uar casalanamar ammay, an ynappian di tajar, an nabautizoan, ot mapatauaran si Sacramenton di Penitenciar, an panconfesar.

M. Sinunut tonan apion di tajar, ta mebbes di panconfesar?

D. Limara: uar maunar ot tonanan iji-rao nomnomon di casalananardarin lom-an: uar aruanar: ot tonana riran tutuyuan, on yoroj si masait si pusunar: uar atlunar: ot tonanan manping-ot si masde, ta urriana riran piruon: uar apatuar: ot tonanan yconfesar si padrear di casalananardarin lom-an si neir lan ysautna yrira: uar alimamar: ot tonanan sumpalon di penitenciar, ô peanurar, an atdon di parear y sia.

M. Mancasalanar di tajar, an mangui-confesar si osan casalanar ammay, an ynurianan ynappia?

D. O Ama, mancasalanar si ammay.

M. Mancasalanar di tajar, an mangui-

saut si osan casalanan ammay mibus si bainar?

D. O Ama, mancasalanan pat ammay; on uatien casalanan ot maingaranan si Sacrilegio.

M. On uar manguisautar si osan casalanan ammay, mapatauaran ór di urrumardarin casalanan, an inconfesalna?

D. Marriran mapatauaran.

M. Tangat tonan appion di nanguisautar si casalanar, ta mapatauaran di casalanar dari?

D. Tonanan ybajat parear di ynpanguisautnar si casalanar, on atdi payla mu tangan dien casalanan, an ynsautua; on asana pay ipiruan yconfesal di casalanardarin urrum, an ynconfesalnat potónatdi, an nanguisautana: on mabus elatie, ya ynconfesalna mos di casalanar dari beu.

M. Mancasalanan ór di tajar an manliuluan manumpal si peanurar, atdon di parear ysia.

D. O Ama: mancasalanan emat ammay, mu yrondonoynat ansan, on neir sangcanan matulir, di panumpalnar si peanurar.

- M. On alimbaua, ta neir arauiman di tajuar manconfesal, mibus si neir miptô si padre, tangat tonanan appion, ta mapatauaran di casalananardari?
- D. Tonanan pajogôgôs, on mipatauar si Diosar, on mantutuyut masdet casalananardari; on uatien pantutuyu ot marrin mian-ôj, mu meapu lojom si tautnar si Diosar, on infiernosar; mu marrin mapelet, ta meaput arunar si Diosar, an catuliran pableon mu si lom-anar.

LICION 7.

- M. Ngat atodajan si Comunión?
- D. Ar pinabangar si mablear batang di Aputauar Jesu-Christo.
- M. Uar minabangar si batang di Aputauar Jesu-Christo, ot dauatana or paylar déanar masantos, man-oy si aguenar, on Ynariosnar?
- D. O Ama: dauatona eman dararien lom-an, toy dauatonat Jesu-Christon mabua.
- M. Ngat mabangon di minabangar?
- D. Mebbes ylar pinabangnar, ya deen tuat nabangona: uar maunar ot miossar Anguenar y Jesu-Christo: uar arua-

nar, ot mi-irum ysiar Graciar, an di-
nauat nat nancofesalana: uar atlu-
nar, ot mailangan si soré si pamuor
nat sojsoardari: on uar apatnar, ot ma-
atdan si osan señal, ó prendan di ata-
juanar, an neir tunana.

M. On sin-unut tonan di tajuár appion,
ta mebbes di pandardaranar, an mi-
nabang?

D. Opat da: uar maunar, ot mapelet ta
uar eajuar, an ajaijayanan pinabangan,
ot neir poddau anona, ou ynumonat
mansunut gauan si labi, man-oy si mar-
rin nabus minabang: uar aruanar; ta
uarat nararan si Graciat anguenar: uar
atlunar, ta amtonar dioyar si mablear
Hostias, an dauatona: on uar apatnar,
ta gumutu minabang si ammain pilit,
ou asing-auan di pusuar.

M. On uar manatungardari, ot ma-
raumda or minabang ampaylamo na-
nganda, ó nanynumda?

D. Maraumda eman, mu masait di pa-
natungdar.

M. Anianar casalanen di tajuár, an gu-
mûtû minabang si uarat casalanenan
ammay?

- D. Mangapiat osan Sacrilegio; an casalanan guet maram-ot. .
- M. On nomnomon ylar tajuar, an maj-tupan mos minabang ta uarat tinamanat lojejomnean casalanan ammay si potô di nanconfesalanar, tangat tonanan appion?
- D. Tonana tay yconfesal di casalanar, an tinamana, on asana mos amoy minabang.
- M. Mu alimbaua, ta nomnomonar casalanar, an tinamana si dioy mos dumu-uj si lugarar, an panpinabangan di padrear, maraum or minabang si urriana tay yconfesal?
- D. Maraum eman minabang, ta marrin mabalao di arinar pinabang; mu mapelet bayao, ta tutuyuanan yoroj dien casalanan si ammain pantutuyu, on manpin-ot si nomnomnar, ta asanan yconfesal si padrear.
- M. Sirat mittut mablear Hostias on Calizar, mo ynabus mos diran quinonsagran di padrear, an manmisa?
- D. Ar aputauar Jesu-Cristo, an Dios tua, on taju pay tuan matajo.
- M. Uaraór sirit tinapay, on alaj?

D. Neirla; toy uar lamós, ó substancian di tinapayar ot nanbaliu si mablear batang di Aputauar Jesu-Christo: on uar substancian di alajar ot nanbaliu si deanar masantos.

LICION 8.

Ngat atodajana rie; yu-ulirar matajur batang di tajuardarin lom-an?

Uar atodajana, ot ta yubot ylar cam-an, ya uar anguen di tajuardarin onang si ar panaraum di Dio-

ta ojomon di Aputauar Jesu-isto rira.

labus da ela mos ynmulin matajur rdarin lom-an, on ynojom di Aputauar Jesu-Christo rira, ya matoyra

payla?

rira mos manpiruan matoy.

dat-ayan di tajuardari, mu napangojomar yubot?

anguen di tajuardarin mebbes,

si batangdar, ot amoy rat vionabang dat dit gloriar neir

mu ua bayao ri mardajarda-

si man-oy lan man-oy.

LICION 9.

. Sinunüt anguen di tajuar?

Ossea.

. Matoy ylar tajuar, matoy pa anguenar?

. Marrin matoy, toy mataju en s pat.

. Dat ayan di anguear mu matoy tajuar?

. Uar anguen di tajuar, an mato neir casalanana, ot tanungnean a si viopar: mu uara ylat bayarana peanur di casalanangdardi, ya a tat Purgatorioar on matoy ylar ta

- D.** Ossan lugar, napnut apuy, an pan-bayaran di anguen di tajuardarin mebbes si peanur di casalanandardari, an ynurrian dan binayaran si matajura tat tu pioar.
- M.** Ngat atodájan si infiernos?
- D.** Ossan liang animay napnut apuy, on lom-anardarin sait, an panparirdirilan di Diosar si tajuardarin mardaj, an natoy si boon nipajuar ynpantu-tuyurar si casalanandardari.
- M.** Sinunurat tonan di tajuar appion ta maraun amoy si viopar?
- D.** Duara: uar ossar, ot tonanan tutuon si masder lom-anar, an patutuan di ynatauar Santa Iglesiat cristianoardari: on uar ossar, ot tonanan unuron, on sumpalon di tongtong di Diosar, on tongtong di ynatauar Santa Iglesia.

ANDUOY ANUNUAN

DI DASALAR INIMMEAS.

LICION 1.

- M. Tangan par señal di christianoar?
D. Uar señal di christianoar, ot ar santa cruzar; toy siat nipasajan di Aputa-uar Jesu-Christon nannob yritau.
- M. Mansinunur pancruzar, an tonan di christianoar apion?
D. Nanaruar pancruzar: uar ossar ot maingaranan Signar, on uar ossar ot maingaranan si Santiguar.
- M. Anianar pancruzar, an maingaranan si Signar?
D. Uar innunar, ot maapiat tiun cruz si amaman di uauanar: uar maunar cruz ot maapiat tâtûar: uar aruanar si taoar, on uar atlunar si pajauar.
- M. Yrunan mur atdiar pancruz, an Signar?
D. Apu min Dios ✠ ybaliu raami ysiat

eom miardari ✠ si ar señal ✠ di santa cruzar.

M. Aníanar pancruzar, an maingaranan si Santiguar?

D. Uar ynnunar, ot maapiat ossan Cruz anduoy mansunut tûtûar, an amoy si lajangar, on mansunut abear yjir, an amoy si abear uauan, an mangatdi: Si ngaron di Amar, ✠ on Anàar, on Espíritu Santoar. Amen Jesus.

M. Tangan dien sangcan di atdiar pancruz, an santiguar?

D. Uar sangcanar; toy uar atdiar pancruz, ot sarit alimbaua si duan misterion addeum lan panunan, an misterion di Santíssimar Trinidad, on misterion di tinajuan di Anâ di Diosar: on ijalangtau raratien duan misterio, mu atdion taun mancruz, an man Santi-guar.

M. Onat mebbes si pancrusantau?

D. Mutumeuetaut beoyar: mu lumooob taut simbaanar: mu mangantau, on amoy taun manyatu: mu uarat lapuon taut lojejomnean apian mebbes: on uarat yajetaut mardaj.

LICION 2.

M. Sirat namalsat tajoar?

D. Aputauar Dios; toy siat namalsat lom-ar.

M. Tangat namalsan di Diosar si tajoar?

D. Ta mansuyu ysiat atajuanar tie, on asanan minabang ysiat viopar.

M. Tangan die maunar, an pansuyu taut Diosar?

D. Ar Panutuar, Pansorar, on Pangaruar.

M. Ngat atodajan si Panutua?

D. Uar Panutuar, ot ossan virtud mable lan panunan, an ylang di Diosar si anguetauar; ta tutuontauar lom-anar, an ynmutayaj na, on yntutturun di ynatauar Santa Iglesia yritau.

M. Ngat atodajan di anan dar: panutuan mataju?

D. Uar atodajanar di Panutuar mataju, ot ar Panutuar, an mitain si Caridadar, an aruar si Diosar on ysuar taju.

M. Siran di tajuar an uarat Panutuan mataju?

D. Ar christianoar, an neir casalananat ammay.

M. Ngat atodajan di anan dar panutuan natoy?

D. Uar atodajanar, ot Panutuar, an mar-
rin mitain si Caridadar, ó aruar si Dio-
sar, on ysuar taju: on uatien Panutuan
natoy, ot dioy si christianoar, an uarat
casalanan ammay; mu tutuyuna ylat
mebbes di casalanar, ya amung umu-
lin matajur Panutuanar.

M. Maraum òr dumapus si viopar di
tajuar, an nateuan mos si ysip, an neir
panutuanat Diosar?

D. Marri; on marri pay maraum duma-
pus si viopar di tajuar, an marrin
umam tat misterios di Panutuar.

M. Ngan pan dararien misterio, an to-
nan di christianoar amton?

D. Ar nilamosardarit Manutuar, on ar-
ticulosardari.

M. Anòjna or, mu amtona èn lojom
memorion di Manutuar, on Articulo-
sar?

D. Marri: toy tonana pay antom di ato-
dajan dar.

M. Ngat atodajan di Manutuar?

- D. Uar atodajanar, ot ossan bojtoy di dasalar, an atipujan di maunardarin misterios, on artículos di panutuatauar masantos.
- M. Sirat nangapiat Manutuar?
- D. Ynapian di Apóstolesardari si nanungda tay nanbibisâ, an ynmoy nanguinsersermon si Evangelioar si Mundoar lom-an.
- M. Tangan die sangcan dar nangapiat Manutuar?
- D. Ta sarrit panaralan taut malipatut artículosardari, on misterios, an tona taun tutuon.

LICION 3.

- M. Tangan die maunar artículos di Manutuar?
- D. Uar manunar artículos ot satie: Manutuâ si Diosar Aman manaraum si loman, namalsat viopar, on pioar.
- M. Tangat tutuom, mu atdiom: Manutuâ si Diosar?
- D. Uar tutuôar, ot ta boon deeran Dios, mu marrin osossea.
- M. Tangat atodajana tien bilbil: Dios?

- D. Uar atodajanar, ot ossan Beás atdin meble, ya marrin maraum maesep, on manûnû.
- M. Uara or si batang di Diosar si attu payla yritau?
- D. Neir batangna; toy mapasij en espíritu.
- M. Uarat matana?
- D. Neir la; toy mapasij en espíritu.
- M. Neir elan matana; tangat panbatar-nat lom-anar?
- D. Bataronar lom-anar si esepnar marios.
- M. Uarat liman di Diosar?
- D. Neir pay limana; toy mapasijen espíritu.
- M. Tangat inpamalsanat mundoar, mu neir limana?
- D. Uar inpamalsanar si mundoar, ot ar panaraumnar marios.
- M. Uarat anguen di Diosar?
- D. Neir la; toy uar anguear ot napalsa on uar Diosar, ot siar namalsar.
- M. Neir ilan batang di Diosar, on neir ila pay angue ysia, ya sirat Dios?
- D. Uar Diosar ot ossan Espíritun mapasij, mebbes, on maamtat neir ysuna.

manaraum si lom-an: capuan, on arapusan di lom-anardari, on siat manangdan si mebbesardari, on manusa bayao si mardajardari.

M. Sinunut ynauaran di Diosar?

D. Ososear Inauaránar, an Inariosnar onang.

M. Sinunut csep di Diosar?

D. Ossosea.

M. Sinunut gaijayana?

D. Ossosea payla.

M. Sinunut nomnomna, ó memoriana?

D. Neir nomnomna, ó memoriana.

M. Anam atdion, ta neir nomnom, ó memorian di Diosar?

D. Toy uar nomnomar, ó memoria, ot mapelet lojom si pannomnomar si linmausardari: neir lan lumaus si csep di Diosar; toy dioy sinapat lan sinapat mandirisan manbatar si lom-anardari, an linmaus; si atdi paylar lom-anar, an uarar besan, on lom-anar, an manaraum dumatong: umdajolan neir eman memoriana.

M. Sinunut Personas si uarat Diosar?

D. Uar Diosar, ó Santísimar Trinidad ot uarat tiun Personas.

M. Yngaranam dira?

D. Uar maunar Personas, ot maingaran si Ama; uar aruanar, Anâ, on uar atlunar, Espíritu Santo.

M. Uar Amar ot Dios tua ngon?

D. O Ama.

M. Uar Anâar ot Dios tua ngon?

D. O Ama.

M. Uar Espíritu Santoar ot Dios tua ngon?

D. O Ama.

M. Tiuran Dios ngon di Amar, Anâar, on Espíritu Santoar?

D. Boon: ampaylamo tiuran personas nanbôbôn di Diosar Ama, Diosar Anâ on Diosar Espíritu Santo, mu ossosear ynauararar, ó Ynariosdar.

M. Anam atdion: ta nanbob-on di tiuardarin personas?

D. Nanbob-onda eman; toy uar ossar personas, ot boon ossar.

M. Nannu? boon sapaylarir personas di Amar, ot personas di Anâar?

D. Boon; toy ossa par personas di Amar, ossa par personas di Anâar, on atdi payla, ossa par personas di Espíritu Santoar.

M. On uar Ynarios di Amar, ot Ynarios ngon di Anâar?

D. On Ama.

M. On uar Ynarios di Espíritu Santoar, ot Ynarios ngon di Amar on Anâar?

D. O Ama: toy osossear esepar, gaijayar, on Ynarios di tiuardarin personas.

M. Tangat panguialimbauam ta uar Diosar, uean uara ysiat tiun Personas, ya ossosea bayao di ynauaránar, ó Ynariosnar?

D. Angue tauar si panguialimbaua sitie; toy uar anguear, ot uarat tiun panaraumna, an esepar, nomnom, on gaijaya, on uean ossosea.

M. Anam ynali: ta uar maunar personas, ot maingaranan si Ama?

D. Ynatdi eman, ta maingaranan si Ama; toy uarat ossan Anâna, an aruanar Personas.

M. On sirat eapuan di Diosar Ama?

D. Neirlan eapuana; toy sia bayao si eapuan di lom-anar.

M. Sirat eapuan di Anâar?

D. Amar si eapuana.

M. On uar Espíritu Santoar, sirat eapuana?

- D. Meaput Amar, on Anâar.
- M. On tangan die, an eapuan di Anâar si Amar?
- D. Uarie, an eapuan di Anâar si Amar, ot ar esepear.
- M. Ybulijas mur innun di Anâar, an meaput Amar?
- D. Dioy ri Diosar Aman manbatar si Ynariosnar si amung manbatar si osan espejon maliting si neir ysuna: on uar naapiar si ynpanbatarnat Ynariosnar, ot ossan Ymmasen aysunat lom-anar, on ynpibiangna ysiar ynauaranar onang, ó ynariosnar onang.
- M. On tangan die, an eapuan di Espíritu Santoar si Amar, on Anâar?
- D. Uarie, an eapuan di Espíritu Santoar yriran sin Ama, ot ar gaijayar.
- M. Ybulijas mur ynnun di Espíritu Santoar, an neapu yriran sin Ama?
- D. Nansinarur Amar, on Anâar: on uarie, an neaput inpansinarurar sin Ama, ot siar Espíritu Santoar, an Dios tuan anúr si atdi paylar Amar, on Anâar.
- M. Meapu ylar Anâar si Amar, ya mau-nar Amar mu Anâar: on atdi paila

maunar Amar, on Anâar, mu Espíritu Santoar?

D. Boon Ama; toy neir lan maraum maingaranan si mauna, on dauay yriran tiun personas.

M. Uara ot panguialimbauam sitie?

D. Eajauar, si panguialimbauâ: toy uar sonear ot meaput eajauar on uar sonear, on eajauar ot dirat eapuan di matungar: on ampaylamo atdi, ya uar eajauar; ot boon mauna, mu sonear: on atdi payla, uar eajauar, on sonear, ot boon maunara mu matungar, an meapu yrira.

M. Boon ylan maunar ossar personas mu ossar, ya anam atdion, ta uar Amar, ot maunar personas; uar Anaar ot aruanar personas; on uar Espíritu Santoar, ot atlunar personas?

D. Uatie ot meaput panguiyapar yriran tiun personas.

M. Ngat atodajan di saratien bibil: *Manaraum si lom-an?*

D. Ta uar maunar personas, an Amar, ot maraum mangapiat lom-anar si neir lan sulitua.

M. Boon or manaraum si lom-an di Ana-

ar, on Espíritu Santoar? Tangat parring abus di Amar si maingaranan si manaraum si lom-an, *si manutuar?*

D. Ampaylamo manaraum si lom-an di Anâar, on Espíritu Santoar; mu toy uar panaraumar ot mitnat Amar, umdajolan satut sangcanan maingaranan si manaraum si lom-an.

M. Uar Amar, ot namalsa ngon?

D. O Ama.

M. Namalsa òr di Anâar?

D. O Ama.

M. On uar Espíritu Santoar ot namalsa pay la?

D. O Ama.

M. Tiura or si namalsa?

D. Boon: toy ossosear panaraum di tiuardarin personas, ossosea par ynaamtatar; toy ossosear ynariosdar.

M. Tangat parring abus di Amar si maingaranan si namalsa, *si manutuar?*

D. Toy uar pamalsar ot apian si panaraum, on uar panaraumar, ot mitnat Amar.

M. Pinalsan òr di Diosar di ganagardari.

D. O Ama.

- M. Tangat parring atdion di manutuar, ta *namalsat viopar*, on *pioar*, on *ur-riana* bayao atdion, ta *namalsat gaganardari*?
- D. Toy uar viopar, on pioar ot labutan dar urrumardarin pinalsa.
- M. Sirat pinalsan di Diosar sirri viopar?
- D. Ar *ángelesardari*.
- M. Ngat atodajan si *ángeles*?
- D. Pinalsan *maespíritu*.
- M. Uara ór si batangda?
- D. Neir Ama.
- M. Uara òr si anguera?
- D. Neirla; toy uar anguear, ot napalsa, ta miossan manpatajut batangar; on uar *angelesardari*, ot neir batangda.
- M. Tangat namalsan di Diosar si *ángelesardari*?
- D. Ta mansuyuran manguirayao ysia, òn ytordonat opung di tajuar si ossan *ángeles*, an manbantay yrira.
- M. Sirat *namalsat diabloar*?
- D. Diosar si *nalmalsat ysiat ángeles*, on sia mos si *ynmapiat diablos*, nibus si aatajayan di *nomnomnar*.
- M. Tangan dararien pinalsan di Dio-

sar situ piôar?

D. Ar dotârdari, mantaytayabardari, on urrumardarin pinalsa.

M. Pinalsana par tajuar?

D. Pinalsa na eman si aymasena.

M. Anianar ynpamalsan di Diosar si tajuar?

D. Ynapianat ossan batang si uriti si piô, pinalsanat ossan angue, an in-piossanat dien batang, on naapia mos di tajuar.

M. Uara ôr si pinalsan di diabloar?

D. Neirla.

M. On siran mos si namalsat yrauardari gayamanardari, on urrumar bijis?

D. Ar aputauar Dios.

M. Nannú? Pinalsan par Diosar di mardajardari?

D. Neir Ama: uar yrauar, on urrumardarin bijis ot boon dan mardaj; toy uar pan-ynbob-on di pinalsardari, ot saemandit mangator si beas si mundoar.

M. Uara ôr si urrum sangcan di Diosar namalsa yrira?

D. O Ama: uar ossar sangcan, an namalsana yrira, ot ta manservirat ta-

pal di batangar, on lalo tay ri anguear; toy bataron ylar tajuar dararrien bijis atdin matautan, ya tumaut otia 'pat casalanamar, an lalon matautan mu dira.

M. Dat yttuan di Diosar?

D. Dioy si viopar, situ pióar, on lugarardarin lom-an.

M. Dat nittuan di Diosar si nanung di inpamalsanar si viopar, on piôar?

D. Nittu ysian onang, si neir lan pe-létonat pinalsardari.

M. Dioy pay lar Diosar si danumar on apuyar?

D. Dioy eman.

M. At di ela ya mâpot, on maggob?

D. Marri Ama; toy uar Diosar ot mapasij Espíritu, an marrin maraum manguinat sait.

M. Ybulijas mu tiet ossan alimbaua?

D. At dir eajauar, ó sonear, ot marrin maggob, on mâpot, mu amoy minat danumar, ó apuyar, at di pay lar Apu-tauar Dios.

M. Ngat innun di Diosar mittut ganaganardari?

D. Mittut lom-anardari si panpauaranar

y rira, panalinúnar, on pansajung na y rira; on atdi pay la; toy daumonon apion di lom-anar, on paneiron di nirunanardarin naapia.

M. Ngat innun di auarán di Diosar si anguen di tajuardarin mebbes, on anguen di mapearardarit viopar?

D. Mittut anguen di tajuardarin mebbes si ar graciár, on mittut anguen di yviopardarit ar gloriár.

LICION 4.

M. Ngat tona taun tutuon, mu atdion tau: *Manutuâ pat Anânar tanir si Jesu-Christon Aputau?*

D. Uar tutuon tauar, ot ta ua y Jesu-Christo ot Dios tua, on siar aruanar personas di Santísimar Trinidad.

M. Sirat Jesu-Christo?

D. Anâ di Diosar Ama, an naapian tajut malitingar lan panunan putúa di Virgenar María.

M. Ananan maingaranan si Anâ tanir?

D. Toy uar Diosar Ama, ot neir urrum si Anâna.

f. Nannú? Boon or Anâ di Diosar d

tajuardarin mebbes?

- D. Uar tajuardarin mebbes, ot boon dan Anâ di Diosar si anur; mu mar-rin Anâ an tinanuran di Diosar.
- M. On ua y Jesu-Christo, ot miysu nġon si lom-anar si Diosar Ama?
- D. Ua y Jesu-Christo, ot tonan ylar ynariosnar, ot miysu emat anur si Diosar Ama; mu tonan yla bayao di batangnar, on anguear, ya mib-on si anur ysia.

LICION 5.

- M. Ngat tona taun tutuon, mu atdion tau: *Nisisipet apian di Diosar Espiritu Santo?*
- D. Uar tutuon tauar, ot ta uar aruanar personas, an si Dios Anâ, ot yneanan yupiossa ysian onang si ossan batang, on angue.
- M. Sinunut ynauaràn di Aputauar Jesu-Christo?
- D. Duara: uar ossar ynauarana, an ynariosnar, ot meaput Amanar Dios; on uar ossar, an ynauaran si taju, ot neaput ynanar Santa Marián Virgen.

- M. Uat naapianan tajur Anâ di Diosar, ot nibisá ór si Amanar Dios?
- D. Marri Ama; toy marriran maraum manbibisá di tiuardarin personas; toy ossosear ynariosdar.
- M. Uatoy mariran manbibisá di tiuardarin personas, naapian taju ór di Diosar Ama, on Diosar Espíritu Santo?
- D. Marri Ama; abus lar Diosar Anâ si naapian taju.
- M. Nibiang ór di Diosar Ama si tinajuan di Anâ di Diosar?
- D. Nibiang eman.
- M. Nibiang di Diosar Anâ?
- D. O Ama.
- M. Nibiang paylar Diosar Espíritu Santo?
- D. O Ama.
- M. On tangat parring; toy abus lar Diosar Anâ si naapian taju?
- D. Toy abus lar Diosar Anâ si nanpiossa ysiat dien angue, on batang.
- M. On uatoy nibiang di tiuardarin personas si tinajuan di Anâ di Diosar; tangat parring atdion tau: ta naapian tajur Anâ di Diosar si apia, on panaraum di Diosar Espíritu Santo?
- D. Toy uar tinajuan di Anâ di Diosar,

ot apian si aru; on uar apiardari, an meaput arun di Diosar si tajuar, ot mitnarat Espíritu Santoar.

M. Maraum ór maingaranan di Espíritu Santoar si Aman di Aputauar Jesu-Christo?

D. Marri; toy uar batang Jesu-Christoar ot boon nibus si deum nar.

M. On uar Virgenar María, ot ynan anur di Aputauar Jesu-Christo?

D. O Ama: ynana emat anur; toy uar batang di Aputauar Jesu-Christo, ot nibus si deumnar; toy naapiat deanar onang; on atdi yla ya, uar Aputauar Jesu-Christo, ot neir Amanat tinajuana; mu uara bayao si ynana: mu tonan ylar ynariosnar, ya neir ynana; mu uara bayao si Amana, an si Dios Ama.

M. Tangat ynnun di tinajuan di Anâ di Diosar?

D. Satur ynnunar: Nanguear Diosar si urrití si dean di malitingar lan panunan Virgen María, on ynapianat ossan batang; namalsa pay lat ossan angue, an niossat dien batang; on uatien angue, on batang, ot niossara pay lat aruanar personas, an Diosar Anâ:

on uamosdi ot uar Diosar Anà, an Dios bulij si beanar, ot taju mos anur si nansunut tinajuana; on sia mos si Jesu-Christo Dios tua, on taju pay tua.

M. Sinunut tiempot naapian di satien apian mable?

D. Marrin nasindiatan.

M. Ngat tutuon tau, mu anantau: *ynanà Santa Marian Virgen?*

D. Uar tutuon tauar, ot ta pingsancean nilaus si siam buen si nansunut nansisipean di Virgenar María ya nitaju mos di Anânar, an si Jesu-Christon Dios tua, on taju pay tua.

M. On ngan dien nib-onan di ynpananâ di Virgenar María si pananâ di urru-mardarin babay?

D. Toy ua y Santa María, ot nananâ si neirlan saitna, on marri pay naorodajan di ynavirgenar. Umdajolan at-diontau: ta ua y Santa María ot Virgen si nanung di ynpananânar: Virgen si pajauan di ynpananânar; Virgen si naabusan nananâan: on Virgen pay lan sinapat.

LICION 6.

- M. Tangat tona taun tutuon, mu at-diontau: *Ynparidirilan di Ojomar Pontio Pilato, nipasaj si Cruzar, natoy, on nilubû?*
- D. Uar tutuon tauar, ot ta uar Aputauar Jesu-Christo ot nanguemán ynparidirilat batangnar, on anguenar, on ta natoy ri batangnar masantos, on nilubû payla.
- M. Uatoy Dios si Jesu-Christo, ot dinmaun or natoy?
- D. Ua y Jesu-Christo, ot marrin dinmaun natoy, on ynparidirilat ynarios nar; on abus di batangnar si natoy.
- M. Tangan dien patoy yntipen Jesu-Christo?
- D. Natoy si ossan Cruz, si podajnan nabungbung, nacoronan si subit, on namorat ammay.
- M. Sirat natayan Jesu-Christo?
- D. Natoy si ar abbesan di tajuardarin dojap. Neirlan tajut ynurrianan sinomban, on ynbayaran si casalananardari, on neirlan marrin maraum amoy si

viopar si asdean di déanar mable lan panunan.

- M. Natoy ylat Jesu-Christo si ar abbesan di tajuardarin dojap: ya tangat parring mainfiernos si atdin deen taju?
- D. Toy urriandan anamutanan di ynpapajnan Jesu-Christoar si apiardarin mebbes, an meuuyan si ylang di graciar.
- M. Siran dien gobernador, an nangojom nanpapatoy y Jesu-Christo?
- D. Si Poncio Pilato, si nangobernador si potonat dit Provinciar Judea. Mu ampailamo siat nanpapatoy y Jesu-Christo; mu ua ysia ot nangueumán ynmengtregat patoyar, nibus si ynpangunur nar si tujun di Amanar Dios, on nibus si panguirunanar si asnobán tauar.
- M. Ngan dien esepom, mu atdiom, ta natoy si Jesu-Christo?
- D. Uar esepôar, ot ta nisian di anguenar si batangnar; mu ua bayao ri ynariosnar, ot marrin nibisa yriran dua.
- M. Ngan dien ynapiian di anguen Jesu-Christoar si nibisaanat batangnar?
- D. Linmasun si infernosar, an maingaranan si liang Abraham, on insayat-

nat dir anguen di sasantosardarin dam-damá, an nansor ysia, on ynauitna rirrat viopar.

M. Ngat ynnun di batang Jesu-Christo ar si pòdaj di natayanar?

D. Nilubû si ammain apurian, on galang.

M. Nannarnar ôr di batang di Aputauar Jesu-Christot deen eajao sirri lubûnar?

D. Marri: toy ua y Jesu-Christo, ot ynmulin matajot panaraumnar la, on binmuttat magloriat lubûnar si atlu-nar eajao si pòdajnan natoy.

M. On pingsanean ynmulin matajut Jesu-Christo, ya sinunun eajao si nittuanat tu piôar?

D. Opat apiun eajao; on ua rararien eajao an nittuanat tu piôar, ot narpabatar si majajot si discipulosnadarit ynpanpaattutuana yrirat ynulianar mataju, on nangator yrirat lom-anardarin tujun, an mapelet yrira.

M. Ngan dien ynapian Jesu-Christot nanapan di sararien opat apiun eajao?

D. Nanayang si viopar si apatnar piun eajao si sajungon di discipulosnardari; on dioy sirrin manmeong si uauanon

di Diosar Aman manaraum si loman.

M. Ngan dien esepom, mu atdiom, ta ua, y Jesu-Christo, ot manmeong si uauanon di Diosar Ama?

D. Uar esepôar, ot ta ua y Jesu-Christo ot miysut di viopar si Amanar Dios si ynariosnar: on tonan ylar angue-nar, on batangnar, ot manalongaring si pinalsardarin lom-an.

LICION 7.

M. Ngat tona taun tutuon, mu atdion-tau: *Mibus sirri umulit tun mangojom si matajuardari, on natoy?*

D. Uar tutuon tauar: ot ta yubot ylar eajauar ya uar Aputauar Jesu-Christo, ot mibus si viopar, umalit tu piôar, an mangojom si matajuardari, an tajuardarin mebbes; on natoyardari, an tajuardarin mardaj.

M. Uatoy ojomon di Aputauar Jesu-Christo di anguear si apatpatoy ri taju-ar; tangat parring piruonan ojomon di taju-ar lom-an si yubot di eajauar?

D. Uar maunar sangcana, ot ta mib-tao si tajuardarin lom-an di catuliran

di Diosar si panangdanar si angueardari, on batang di mebbesardari; on panusanar bayao si angueardari, on batang di mardajardari: on aruana pay, ta mibtao di gloriar, on galang di Aputauar Jesu-Christo.

M. Tangat tona taun tutuon, mu atdion tau: *Tutuò par Santa Iglesias Catholica?*

D. Uar tutuon tauar, ot ta uar Iglesias, an atipujan di christianoardarin lom-an, ot ossosea, masantos, Apostolica, on Catholica.

M. Tangat parring atdiom, ta ossosear Iglesias?

D. Toy ossosear Diosar, an tutuon di christianoardari: mangunur dan lom-an si ossan yiu, an si Jesu-Christo, manoy si sanot nar situ piôar, an masantosar Papa: diran lom-an manutuat ossan panutua, on ossan pansor; on mi-biangdan lom-an, on minabang si sa-paylararin Sacramento.

M. Ossosea ylar Santa Iglesias, tangat parring atdionda, ta uarat Iglesia *militante*, *Iglesian purgante*, on *Iglesian triunfante*?

- D. Ua raratie, ot boon tiuran Iglesia; mu marrin tiuran bojtoy di sapaylarin Iglesia, an ossosea.
- M. Ngat atodajan si Iglesian militante?
- D. Atipujan di christianoardarin matajura tat tu piôar.
- M. Tangat parring maingaranan si militante?
- D. Toy uar atongalanar, ot ar pibeenar si diabloar, mundoar, on batangar.
- M. Ngat atodajan si Iglesian purgante?
- D. Atipujan di angueardarit purgatorioar.
- M. Tangat parring maingaranan si purgante?
- D. Toy dioy ran pajugul, on paliting, si Purgatorioar, si diar, an nibus si casalanan dardari.
- M. Ngat atodajan si Iglesian triunfante?
- D. Atipujan di matulirardari, on sasantos miarit viopar; toy ua yrira ot nangamis da mos si diabloar, mundoar, on batangar.
- M. Tangat parring maingaranan si masantos di Iglesiar?
- D. Toy masantos di yiunar, masantos di Sacramentosnardari, masantos di aral-

nar: on uar ossar pay, ot toy deeran santos, an matajut tu piôar, an aren di Santa Iglesiasiar.

M. Tangat parring maingaranan di Iglesiasiar si Apostólica?

D. Toy uar apóstolesardari, ot dirat napatádoj si Iglesiasiar si panaraumar, an ynator Jesu-Christo yrira.

M. Tangat parring maingaranan di Iglesiasiar si Cathólica?

D. Toy nanyuajsa di aren di Iglesiasiar si mundoar lom-an.

LICION 8.

M. Tangat tutuon tau, mu atdiontau: *Panynnanabang di Sasantosardari?*

D. Uar tutuon tauar, ot ta uar christianoardari ot maninnanabangdat panalanguen dardari, on apiarardarin mebbes.

M. Manysisu ôr di pannabang di christianoardarin lom-an si apiarardarin mebbes?

D. Mannabang di sinossar yrirat atdir *ojòr di caridadar*, ó aruar si Diosar, *an uara yrira*: uar uarardarit deen

caridad, ot dirat mannabang si dee, mu si neirardarin deet Caridad.

M. Tangat tutuon tau, mu atdiontau: *Pamatauarar si Casalananardari?*

D. Uar tutuon tauar; ot ta uar Aputauar Jesu-Christo, ot siat nangator si Santa Iglesias si panaraumnun mama-tauar si casalananardarin lom-an.

M. Ngat atodajan si casalanan?

D. Ar panlabanar si tongtong di Diosar si esepar, gayjayar, bâbâ, ó apia.

M. Nansinunur casalananar?

D. Nanarua; uar ossar ot maingaranan si casalanan original: on uar ossar, ot maingaranan si casalanan personal.

M. Ngat atodajan si casalanan original?

D. Ar casalananar, an tinair taut da-dee tauardarin nauna; an Adan, on Eva.

M. Tangat pamatauar di Santa Iglesias si casalananar original, an tinair?

D. Ar Sacramenton di Bautismoar.

M. Ngat atodajan si casalanan personal?

D. Ar casalananar, an onangon di tajuwar apion.

M. Nansinunur casalananar personal, an onangon di tajuwar apion?

- D. Duara: uar ossar ot maingarana ~~n~~
casalanan man-oj: on uar ossar ot ~~na~~
ingaranan si casalanar ammay.
- M. Tangat apion di casalanar man-~~a~~
si anguear?
- D. Manga-an si graciard, on caridadar,
mu marri bayao mamatoy si anguear.
- M. Tangat apion di casalanar ammay
si anguear?
- D. Tiurat apiona: uar maunar, ot áno-
nan poddar graciard si anguear: uar
aruanar ot pibuysuyenar anguear si
Diosar: on uar atlunar, ot manpatò-
daj si anguear si infiernosar.
- M. Ngat pamatauar di Santa Iglesias si
casalanar man-òj?
- D. Ar pituardarin Sacramentos, on ar
siamardarin Sacramentales.
- M. Tangat pamatauar di Santa Iglesias
si casalanar ammay:
- D. Uar casalanar ammay, an ynapiar
di tajuar si nanungna tay manbautizo,
ot mapatuaran si Sacramenton di Bau-
tismoar: mu uar casalanar ammay,
an ynapiar di tajuar, an nabautizoan,
ot mapatauaran si Sacramenton di pe-
nitenciar an panconfesalar.

M. Uara òr si casalanen, an neir aulina?

D. Neirla; toy ampalaymo tangat aam-mayan di casalanenar, ya lalotar aam-mayanar, on ablean di ynpapajnan Je-su-Christoar.



A-NÚNÚAN DI TONGTONG

DI DIOSAR.

LICION 1.

M. Sinnunut tongtong di Diosar?

D. *Sinpiura.*

M. Tangan die maunar tongtong.

D. *Aruom di Diosar mu si lom-anar.*

M. Tangan die mitongtongar sitien tongtong?

D. Ar panutuar si Diosar, pansonrar ysia, pangaruar ysia mu si lom-anar, on panguigalangar ysia.

M. Siran die mangaruar si Diosar mu si lom-anar?

D. Ar manpablear si Diosar mu si bandiar, galangar, on atajuanar; on manpingot si nonnomnar an manguioroj siratien lom-an, mu mapelet; ta urrianan yorojan di Diosar.

M. *Sirat mancasalanan sitie maunar tongtong?*

D. Ar manbuniar, mapanbuniar, pabuniar, on mibuniar; ar manutuar si ynop, on lojejomnean paniauon si buccalot: ar manguiriar, on mandurduruar si tonan di panutuar; on man-oy si marriar mansor si gôgôs di Diosar.

LICION 2.

M. Tangan die aruanar tongtong di Diosar?

D. *Urriam ypajubem ysumpar ngaron di Diosar.*

M. Ngat atodajan si sumpa?

D. Uar atodajanar, ot ar panguitasin di tajuar si ngaron di Diosar si bâbâar, ó sipanar, an ajaijayanan tuapanon.

M. Sirat mancasalanan sitien tongtong?

D. Ar mansumpar si boon tua, boon catuliran, on boon pay apeletan.

M. Anianar casalanan di mansumpar si boon tua?

D. Casalanan manpapatoy, mu amtana, ta burruy di ysumpanar.

M. Casalanan ngon di mansumpar, mu mandurdurua, mu tua, ó boon tuar ysumpanar?

D. O Ama, casalananan manpa
toy miajet mansumpat boon tua

M. Sirat mansumpat boon catuli

D. Ar mansumpar mangapiat loj
nean mardaj, an cumontrat ton
di Diosar, on tongtong di yna
Santa Iglesia.

M. Anianar casalananan di mangatu

D. Ansan ylan mardaj di ysum
ya ammair casalananan; mu n
yla lojom si urriti ya casalan
urriti.

M. Uar mansumpar mangapiat loj
nean mardaj, tonana or yrunan

D. Boon Ama: tutuyuna bayao
sumpanar; toy boon catuliran, ta
nana.

M. Uar mansumpar si tua, on catu
mu neir bayao apeletapan mansu
anianar casalananan?

D. Casalananan urriti; toy urriti pa
arrinar panguigalang si Diosar.

M. Casalananan or di manguisump
mableardarin pinalsan di Diosar

D. O Ama casalananan eman, toy
manguisumpar si pinalsardarin
ot ysumpanar Diosar namalsa

- M. Uara ór tat urrum, an mancasalanan sitien tongtong di Diosar?
- D. O Áma: ar manpasumpar si ysunar taju, on uar marriar, pay mangunur si ynsipunar si Diosar.

LICION 3.

M. Tangan die atlunar tongtong di Diosar?

D. *Manpaniao át Simbardari, on fiesta.*

M. Tangat mitongtong yritaun tien tongtong?

D. Ar panguigalanger si Domingoardari, on fiesta, on arri tauar pantrabajot masait siratien eajao masantos.

M. Anianar panguigalang tauar si Domingoardari, on fiesta?

D. Ar pimisar, pisermonar, pilibutar, pivesperasar, pisalvear paubasabasar si libron mebbes panalanguenar, on panguirananar si apiardarin gôgôs.

M. Tangan dararien apia, an mibaul sitien tongtong?

D. Ar panararuar, panlujamar, pangayuar, pangujutar, panabear on urru-

mardarin apia, an maingaranan si servil, an apian tonan si criados.

M. Anianar casalanan di tajuar, an mantrabajo ó manpatrabajot simba, ó fiesta?

D. Mantrabajo yla, ó manpatrabajot uriti lojom, alimbaua sinhorasan, ya manoj di casalananan; mu mantrabajo ylat deen horas, si neir sangcan matulir, ya ammay bayao ri casalananan.

M. Mancasalanar òr di tajuar, an mantrabajot simba, ó fiesta, on uean mandurdurua, mu matulir, ó boon matulir di sangcanar?

D. Mancasalanan eman: on atdi yla, ya santuona tat padrear, ó urrum tajon maamta, mu matulir di sangcanar.

M. Mibaua par panbasabasar, on pansulatar si simbardari, on fiesta?

D. Marri raratien mibaua?

LICION 4.

M. Tangan die apatnar tongtong di Diosar?

D. *Igalang mu ra amam, on ynam.*

M. Tangat mitongtong sitien tongtong?

D. Ar pangaruar si amar, on ynar: panutuar, on panguigalangar yrira, panádar yrirat abijauandardari, an tonan di batangar on anguear.

M. Sirat mancasalanan sitien tongtong?

D. Ar anâar an marrin manguicabcabilang si amanar, on ynanar: ar manmorar yrira, mu yiunara mos, on ar manujtujmuar yrira.

M. Anianar casalanan di anâar, an marrin mangunur si ytingtong di amanar, ó ynanar ysiat tonan di abbesan di anguear, on batangar?

D. Ammayr casalanamar, mu anumay, on mapelet di ytingtongdar ysia: mu boon ylan ammay, on boon pay mapelet, ya manoj di casalanamar.

M. On uar atongolan di anâar mangaru, on mirádat amanar, on ynanar, ot maumpus ngon, mu matoyra mos?

D. Marrin maumpus; toy tonana pay sumpalon di testamentorar mu ynapia.

M. Uar nananáardari, tangat atongolan dat anádardari?

D. Tonaran manaju, on manalinu yrira:

manutturu, on manongtong yrira, on manparapat yrirat mebbesar.

M. Tangat tonaran ytutturut anâ dari?

D. Tonarariran ytuturuan si dasalar, on mebbesardarin ugali.

M. On alimbaua, ta uarat anâda an marordongue, anojna òr mu tongtongon da lojóm si bâhà, on easan da?

D. Marrin mianój; toy tonaran bungbungon, on duson, mu urrianan donguen di panongtongdar ysia.

M. Mancasalanan òr di nananâar, an manguiporpór si anânar, on patautona paila; ta asauonar urrianar poddan ajai-jayan?

D. Mancasalanan eman; si atdi payla mancasalanan di anâar, mu manguisipan umasaua si ynurriana tay inpaamtat amanar, on ynanar, on marri pay patujutujun yrira, mu tangan dien pipearana.

M. On sirat urrum, an mancasalanan sitie apatnar tongtong?

D. Ar marriardarin manguigalang si papadreardari, apurardari on darauayardari: on atdi pay lar sinbeyanar-

dari, an marrin mansinaru, on maningalajalang, on lalotar babaiardari, an marrin manutua, on manumpal si ybajan di asauarar yrirat tonan di abesan di anguear, on batangar.

LICION 5.

M. Tangan die alimantar tongtong di Diosar?

D. *Marrian mamatoy.*

M. Tangat ybawal di Diosar sitien tongtong?

D. Ar panpardajar si ysuar tajut tonan di batangar, on anguear.

M. Siran di manpardajar si ysunar tajut tonan di batangar?

D. Ar mamatoyar, manujasar, on manpasaitar si ysunar taju: ar mangoròdajar si tonanardarit meaput pangasentar, ó panguibeusnar ysia.

M. Siran di manpardajar si ysunar tajut tonan di anguear?

D. Ar manpacasalanamar ysia, on manguituturnar ysiat lojejomnean mardaj.

M. Tangat tonan apion di tajuar, ?

nanpardaj si ysunar tajut tonan di batangar, on anguear?

D. Neir lan urrianan tonan apion ta majanun mabayaran, ó maauilian di ynarodajanar ysia.

M. On sirat urrum si mancasalanan si-tien tongtong?

D. Ar mibuysuyar si ysunar taju, ar manyamyamar ysia: ar manujtujmuar, on manmorar ysia, man-oy pay lat mannajar manódaj.

M. Tangat atongolan di mibuysuyar si ysunar taju?

D. Tonanan misabayat ysiat mebbes, on manguibtao si arunar ysiat pangatóna ysiat galang, on panádanar ysiat abijauanardari.

M. Anianar casalanan di manyamyamar si ysunar taju?

D. Ammay ylar saitar, an ajamuamomat ysunar taju, ya ammay paylar casalananar: man-oy ylar saitar, ya man-oy par casalananar.

M. On alimbaua, ta uarat manguibusuoy si yamyam maram-ot si ysunar tajo, *mu boon bayao meaput pusunar mancasalanan ór pat ammay?*

D. Boon ylan nibus si pusunar di nanguibusuoynar si yamyamar maram-ót, ya boon eman casalanan animay: mu meapu ylat pusunar di ynpanyamyamnar si ysunar taju, ya ammayr casalanar, ampaylamo tutuyuanat majanur ynpanyamyamnar ysia.

M. Anianar casalanan di babayar, an mangananap si ynnunan manodaj.

D. Ammain guet di casalanar, on lalotay ammay, mu mirunan di panodajnar si ungar, an mataju mos; toy uar mangandiar, on manescomulgado si atdi paylar nibiangardarit tien apian panunau matautan.

LICION 6.

M. Tangan di anomnar tongtong di Diosar?

D. *Marrián amoy si boonar asauam.*

M. Sirat mancasalanan sitien tongtong?

D. Ar mangapiar si lojejomean tonan di burruyar: ar manbatarar, on lalotar manettear si maspajánar, ar manbábáar on majajayar mandonguet sursurardarin mardaj: ar mancancan-

tar si nautardarin maspajan: ar man-
seserotar, on mangdonar si lojejom-
nean tonan di burruyar: on ar mar-
riar umaddauit mangajamirar ysiat
tien casalanan.

M. Tangan mebbes an apion di tajar
si pamuor nat sojsoar tonan di bur-
ruyar.

D. Saratu: ar panalanguènar, an pajo-
gôgôs si Diosar: an pangangauar si yna-
rirdirilan di aputauar Jesu-Christo: ar
panôtolemar si arapusan di batangar,
en anguear; ar panpasaitar si batan-
gar si ayunalar, on bunbungar; on ar
panauitauirar si panguinardari, lalo tar
matardari; toy dira emat loobau si ma-
jajot di atayan di anguear.

LICION 7.

M. Tangan di apitunar tongtong di Dio-
sar?

D. *Marrian mangaa.*

M. Tangat mibauwal sitien tongtong?

D. Ar pangorodajar, on pangagumar si
lojejomnean bandin di ysuar taju.

M. *Sirat mancasalanan sitien tongtong?*

- D. Ar mangaaUAR, manpaauAR, mibian-
gar si aaUAR, ar mangopetar si bibil,
on apia si maaUAR.
- M. Sirat urrum, an mancasalanan si-
tien tongtong?
- D. Ar mamosongar si ysunar taju tonan
di pansasaliuar: ar mansaliuar si ban-
diar, an ynamtanat ynaao: on ar mar-
riar manbayar si majanut otangnar-
dari, mu uarat ybayarna.
- M. Mapatauaran or di casalanan di ma-
aaUAR, mu tutuyuanan yconfesal lo-
jóm di casalananan?
- D. Marrin mapatauaran: on atdi yla
ya uar mangaaUAR ot tonana tay iulir
ynaauAR, on asanan amoy manconfe-
sal, on alimbaua ta neir mos ysiar yna-
auAR, on neir mos pay ybayarna, ot
ybajanat padrear, an panconfesalana,
ta ansan yla ya sian manguibajat to-
nanar apion.

LICION 8.

- M. Tangan die aueunar tongtong di Dio-
sar?
- D. *Marrian mangatajatao, on mauburbur
ruy.*

- M. Tangat mibauul sitien tongtong?
- D. Ar panpardajar, si ysuar tajut bâbâ.
- M. Siran di manpardajar si ysunar tajut bâbâ?
- M. Ar mangatajatauar si ysunar tajut sajungon di justiciar: ar manguibusuoyar si bâbâ an pangorodajnat purin di ysunar taju: ar manpabaynar ysia: ar manganar si galangnar; ar manguibtauar si casalanamar, an niapâp; on ar mangoródajar si mebbesar pansabsabayat di tajuardarit panguisurnar si ynacolang di ossar si ossar, an eapuan di pandardaramarar, on panynbuysuyrar.
- M. On uar nanganar si purin di ysunar taju, tangat tonanan apion si panguiulina ysiat purinar?
- D. Alimbaua ta nangatajatao di ysunar taju, on boon tua, ta ynapiana rien casalanamar, an ynittuna ysia; ot tonanan ybajat sajungon di tajuardari, an nanguibtauarat nie, ta boon tuar sinursunar yrira; on alimbaua, ta tua di ynsurnar yrira, mu niapâp bayao, ot tonanan apion di lom-anar, an mapelet, ta miulirpurar si ysunar taju.

- M. Siran di urrumar, an mancasalanan sitien tongtong?
- D. Ar manburburruiyar si bâbâ.
- M. Anianar casalanan di tajuar, an manburburrui si bâbâ?
- D. Casalanan man-oj; mu manpasait ylar burruynar, on manpardaj si ysuuar taju, ya ammay, ó man-ój di casalanar si atdir ojør di panpardajnar ysiat burruynar.

LICION 9.

- M. Tangan di asiamnar tongtong di Diosar?
- D. *Urriam yluedn di asauan di ysumar taju.*
- M. Tangan di apiunar tongtong di Diosar?
- D. *Urriam pay ylueân di bandin di ysumar taju.*
- M. Tangat mibaua siratien duan tongtong?
- D. Ar pangajamuamar si lojejomnean tonan di burruyar, on ar pangajamuamar si bandin di ysuar taju: on uararatien ajamuam ot casalananda eman, ampaylamo marriran mirunan.

- M. On uar marriar mangajamuana, *m* mannommom bayao si tonan di buruyar, mancasalanan or si asiamna tongtong di Diosar?
- D. Mancsalanan eman, mu gumaija yan mannommom si tonan di buruyar: on pûdona yla bayao si majanur sojsoardari, an dumatong si nomnomnar, ot neirlan casalananat tie.
- M. Tangan di sangcanar, toy atdion tau: ta uar sinpiuardarin tongtong, ot matipuj dat pangaruar si Diosar, on pangaruar si ysuar taju?
- D. Toy uar mangaruar si Diosar, ot manguigalang ysia, urrianan ypajuben ysumpar ngaronar masantos, on manpaniao si simbardari, on fiesta, an eajao masantos nitnat Diosar: on uapar mangaruar si ysuar taju, ot urrianan pasaiton di batangnar, urrianan orodajan di tonanardari, an asauanar, purinar, galangnar, on bandinar.
-

ANÛNÛAN DI TONGTONG

DI INATAUAR SANTA IGLESIA.

LICION 1.

M. Sinunur tongtong di inatauar Santa Iglesia?

D. Limara.

M. Siran di manatongolanardarin manumpal siratien tongtong?

D. Ganaganan di christianoardari, an ylian di Santa Iglesias.

M. Sirat manatongolan manumpal si tongtong di Diosar?

D. Lom-an di tajuar, christiano, ta bucalot; toy diran lom-an ot sajup di Diosar, on neir biangna rie, ya sara-tien tongtong ot itutturun di yntoj di eseptauar yritaun taju.

M. Tangan di maunar tongtong di inatauar Santa Iglesia?

D. *Miseum at ossan Missa si simbardari, on festa.*



- M. Anianar casalanar di marriar mimisat simbar, on fiesta?
- D. Neir ylan sangcanan matulir, ya ammayr casalanar: mu matulir ylar sangcanar, ya neir casalanar arinar pimisa.
- M. Siran die uarar si sangcanan matulir, si arinar pimisa.
- D. Ar manatungardari: ar manalinuar si manatung: ar maniajear si anur, ta uarat dumatong si sait, an boon guet man-ój, si batangnar; ó ta maorodajan si deer bandinar, ó purinar, mu amoy mimisa.
- M. Anianar casalanar di miseumar si ossar bojtoy di misar, on marrit ossar?
- D. Alimbaua, ta marrin miseum si lapun di misar, an amoy si asasup si Evangelioar, ot man-ój di casalanar, toy man-ój tieu bojtoy: mu dumatong ylat simbaanar si pajauan di padrear manevangelio, ó lalotay mu nabus di Evangelioar, ya ammay bayao ri casalanar, mu neir sangcan matulir di yuliuluianar miloob; on atdi *pay la ammayr casalanar, mu bumut-ta lojóm si simbaanar si pajauan di*

padrear mansantus, on mangonsagra,
toy satur maunar bojtoy ri misar.

M. Tangat tonan apion di tajuar ta
mebbes di pimisanar?

D. Tonanan manpajinô si panguinanar-
dari, ta marrin mantutuili, ta marrin
misabsabaiat, on ta yttuna bayao di
nomnomnar si maapiar si masantosar
sajpat di misar.

M. Anianar casalanen di tajuar, an meeo,
ô mantutupao, ô maneseseq manom-
nomnom si apapianardarit beoynar si
pajauan di missar?

D. Dee ylar yeeonar, on pantataan di
nomnomnar, ya casalananan ammay;
on urriti yla, ya casalananan man-ôj:
mu urriana yla raratien aboloyan, on
tauirana bayao di yeeonar, on nom-
nomnar, ya neir casalananat die.

M. Tangat mipajuan esepon di tajuar si
pajauan di missar?

D. Anojnan mandasal si lojejomnean pa-
nalanguen, an pajôgôs si Diosar: mu,
toy uar masantosar missa, ot ossan
anomnomán di ynarirdirilan di Apu-
tauar Jesu-Christo, on ossan sajpat, an
pisajpatan Jesu-Christoar onang, an

nisajpat si Cruzar; ya lalon mebbes ta saratut totemon otiaj tajar si pajauan di missar; on mebbes pay, mu dasalonar masantosar Rosario.

LICION 2.

- M. Tangan die aruanar tongtong di ynatauar Santa Iglesia?
- D. *Manconfesal at manpingsan si opung di tauonar, on atdi pay mu uarat yeajem si atayam.*
- M. Sirat manotongolan manumpal sitien tongtong?
- D. Ganaganan di christianoardarin nateuan mos si esep.
- M. Onat atongolan di christianoar panconfesalan?
- D. Manpingsan si opung di tauonar; on neir biangnarie, atongolana pay manconfesal, mu manatung si masait; ó mu uarat panguiajeanat atayana: on atdi pay la mu majaijayan manauat si batang di apatauar Jesu-Christo.
- M. Anianar casalanan di christianoar, an marrin manumpal sitien tongtong?
- D. *Ammayr casalanar.*

- M. On uar manconfesalar si mardaj, ot manumpal òr sitien tongtong?
- D. Marri; on mangapia bayao si ossari casalanan beu, an maingaranan si sacrilegio.

LICION 3.

- M. Tangan die atlunar tongtong di ynatuar Santa Iglesia?
- D. *Minabang at pasquan di ynulianar matajar Aputauar Jesu-Christo.*
- M. Uar minabangar si lojejomnean eajao si sintauonanan, manumpal or sitien tongtong?
- D. Marri; toy mapelet ta minabang si tiempoar, an nararan nascñalan.
- M. Uar tajar, an minabang si lojejomnean simbaán, manumpal or sitien tongtong?
- D. Marri: toy atongolanan minabang si simbaán di bebeoyar, an yttuana.
- M. Sirat manatongolan manumpal sitien tongtong?
- D. Ganaganan di christianoar, an nateuan mos si esep, an maraum mos manguinmatun si dioyar si mablear hostias.

~~...Mancasalan~~
M. Mancasalanen ór di n
 bang, meaput easnar man
 ó mibus si easnar mau
 tajunar?

D. Mancasalanen emat amr

M. Siran di urrumardari,
 lanan silien tongtong?

D. Ar nananâardari, an mar
 guitutturut anâdardarit ma
 tonda otia panumpaldar
 tong.

LICION 4.

M. Tangan die apatnar tongt
 tauar Santa Iglesia?

D. *Manayunal át, mu mannan*
tauar S.

M. Sirat manatongolan manayunal?

D. Uar najanapardarit duan piu ta os-san tinauon.

M. On uar yiunardari, an najanap mos si onom apiun tauon, manatongolanda òr tay manayunal?

D. O Ama, mu masde tar batangdar.

M. Uar nanganar mos si nampingsan, ot maraum òr pay mancolacion si labi?

D. O Ama.

M. Anianar ojór di pancolacionar?

D. Aniana ylar ojor di pancolacion di tajuardarin mataut si Diosar, ya atdi otiar pancolacion muar.

M. Mancasalaman òr di mancolacionar si mamalintur, on asanan mangan si mebbes si labi?

D. Neir casalanana, mu uarat sangcanaan mangatdi; mu neir yla bayao sangcana, ya manòj di casalanamar.

M. On uar manganar si urriti si bijbijatar, ot mancasalaman òr?

D. Marri, mu uarat sangcana; mu neir ylan sangcana, ya manòj di casalanamar.

M. Sirat marrin manatongolan manayunal?

... si laman?
D. Quaresmar, viernes, vie
on témporas.

M. Sirat manatongolan ma
laman?

D. Ganaganan di christianoa
janap mos si pitun tauon,
uan mos si esep.

M. On uar manpirpiruar ma
man sirarien eajao, ot sinui
lananar?

D. Sinunu ylar pansiranar, ya
lar casalananardari.

M. Uara ór si marauun mansira
si neir casalanana?

D. O Ama: ar manatungardari; é
si Santa Bula: on ar ...

LICION 5.

M. Tangan die alimanan tongtong di ynatauar Santa Iglesia:

D. *Manbaiar at diezmosardari, on primicias si ynatauar Santa Iglesia.*

M. Ngat atodajan si diezmos?

D. Ar dotaj di bungardari, an mitna pantajan di ministros di Santa Iglesiar.

M. Ngat atodajan si primicias?

D. Ar dotaj di bungardari, an manservit gastos di simbaanan, on pangugalangan si Diosar.

M. Atongolan ór di christianoardarin manbayar si diezmos, ou primicias?

D. Atongolanda eman, mu mitturat beoyar, an uarat ugaliran nararan manbayar.

ANUNUAN

DI SACRAMENTOSARDARI.

LICION 1.

M. Ngat atodajan si Sacramento?

D. Ossan señal manbotao, an indeaj
Aputauar Jesu-Christot pangatori
graciar maupasantos yritau.

M. Ngat otodajan si gracia?

D. Uar atodajanar, ot ossan intoj,
ybubun di Diosar si eseptauar, on
san arun masantos, an palsonat gai
yatauar, ta maraum taun manguir
nan si mebbesar, an ynpaamtana y
tau.

M. Tangan•dararie, an panguiylang
Diosar si majajot si gracionar?

D. Uar maunardari yrira, ot ar saci
mentosardari.

M. Sinunur sacramentosardari?

D. Pitura.

M. Tangan die maunar sacramento

- D. Bautismo, ar pamautizoar:
M. Tangat sangcan di Aputauar Jesu-
Christon nanguireaj sitien sacramento?
D. Ta siat pangatorna yritaut gracia,
on pamatauarna yritaut casalananar-
dari.
M. Tangan nabangon di tajuar si bau-
tismoar?
D. Miamat Diosar ar mapatauaran di
casalananar, an tinauirtaut dadeeta-
uardarin nauna Adan, on Eva, man-oy
si urrumardarin casalanan ynapiant
nanungna tay manbautizo?
M. Sirat maraum mamautizo?
D. Ar padrear, an sacerdotes.
M. Miaje yla ta matoy di ungar beun
nitaju si nanung di padrear dumatong,
ot daumon òr bautizoan di tajuar, an
boon padre.
D. O Ama: mu amtanan mamautizo si
mebbes.
M. Tangat mipajnan apion di tajuar, ta
mebbes di pamautizonar?
D. Tonanan manguibusuoy si bibilarda-
rin tonan di bautismoar, on mandi-
risan manguibubut danumar si yun
di ungar, on tonana pay pan-ossan

di nomnomnar si ninnaj di ynatauar
Santa Iglesia.

M. Tangan dararien bibil, an tonan ybū-
suoy di mautizoar?

D. Saratie: N. Bautizoâ siat ngaron di
Amar, ✠ on Anâar, ✠ on Espiritu
Santoar. ✠ Amen.

M. Tangan dien danum, an mapelet
si mebbesar an pautizo?

D. Uar danumar si uangangar, ó mu
tubuear, tayôtôar, ó mu dagatar, ó
mu danum si urran.

M. Mapelet ór ta mabautizoan di un-
gar, mu ybuttanean lojom di yunar
si putun di inamar, si atdir duma-
tongar, mu mardaj di panaban di ba-
bayar.

D. Mapelet eman, ta mabautizoan di
ungar si yunar, mu miajen matoy si
nanung di buttanar si putun di ina-
nar: on ampaylamo marri tay maraum
maimmatunan, mu leay ó babay
ungar, uatie ot marrin macabilangan;
toy boon mapelet si anur, ta mittur
ngaronar si ungar si abautizoanar la.

M. Mapelet ór payla, ta mabautizoan
di ungar si lianar, ó siyar, mu

miajen matoy si nanungna tay bumuttat putun di inanar?

D. Mapelet payla.

M. On alimbaua, ta nabautizoan di ungar si limanar, ó siynar, on asanan bumuttan mataju, ya mapelet ór ta mapiruan mabautizoan si yunar?

D. Mapelet eman; toy marrin maseguroor bautismoar, mu marrin mabautizoan di ungar si yunar. Mu boon ylan miajen matoy ri ungar, ya tonaran ypaamitat padrear, ta ansan yla ya sian mamiruan mamautizo ysia.

M. On tangan dararien bibil, an tonan ybusuoy di tajuar, an mamiruan mamautizot ungar naali, an miajet urrian di padrear datngan?

D. Saratu: N. Marriá ylan nabautizoan, ya bautizoâ siat ngaron di Amar, ✠ on Anâar, ✠ on Espíritu Santoar. ✠ Amen.

M. Mebbes or ottiar pamautizoar, mu asingon ossan tajon manguibubut danumar si ungar, on ossapay tajo an manguibusuoy si bibilardari, an tonan di bautizmoar?

D. Boon ottian mebbes; toy uar meb-

~~Standardin tonan di ba~~
M. Maraum òr amoy si
gar, an matoy si nanung
tizoan?

E. Marrin maraum.

M. On tangan die lugarar,
anguen di ungardari, a
ynurrian dan dinauat di

D. Uar lugarar ayanda, ot
an ossan liang ammay, an d
di piôar; on neir urrum si s
mu marrin arrirar pibatar
uar Dios, an ososean apea
guear.

LICION 2.

- D.** Mebbes elar panauatnar sitien Sacramento, ya miyrum di graciari si anguenar, on maatdan pat soré; ta urrianan tautan iconfesal, on ybtao di panutuar, mu mapelet mibtao.
- M.** Tangan dien mipajnan apion di christianoar, an majaijayan manauat sitien Sacramento?
- D.** Dauay ylar christianoar, an majaijayan manauat sitien Sacramento, ya mapelet ta amoy manconfesal; on lalo tay mu uarat inapianat casalanan ammay, an ynurriana tay inconfesal.

LICION 3.

- M.** Tangan die atlunar Sacramento?
- D.** Ar penitenciar; an panconfesalar.
- M.** Ngat atodajan di Sacramenton di penitenciar?
- D.** Ar panguiconfesalar si casalanandari, on pamatauar di padrear an Sacerdotes.
- M.** Sin-unurat tonan di mebbesar panconfesal?
- D.** Limara: uar maunar ot ar pannomnomar si mebbes si casalanandari.

uar aruanar, ot ar pantutuyuar yr *ira*;
 uar atlunar, ot ar ping-ot di noninom-
 ar marrin mampirua yrira; uar apatnar,
 ot ar panguiconfesalar yriran lom-an;
 • on uar alimantar, ot ar panumpalar
 si peanurar, ó penitenciar.

M. Tangan dararien casalanan, an to-
 nan noninomon di tajuar si nanungna
 tay gumutu manconfesal?

D. Ar casalananardari, an inapianat nan-
 sunut yubotar ynpanconfesalnat meb-
 bes.

M. Tangat tonan apion di tajuar ta ma-
 lippatur pannominomnar si casalana-
 nardari?

D. Tonanan noninomon, on tandalan,
 mu tangan dararien tongtong di Dio-
 sar, on tongtong di inatauar Santa
 Iglesiat nilabanana: on atdi payla mu
 uarat ynapiant dararien casalanan, an
 eapuan di urrumardarin casalanan: On
 asana pay mananda, mu uarat ynur-
 rianan sinumpal si atongolanardari.

M. Anianar pilit di tajuar, on sisiuatnar
 si pannominomnar si casalananardari?

D. *Aniana* ylar pilitnar, ó sisiuatnar
manganap si peletonar si anur; atdi

paylar pilitnar, on sisiuatnar mannomnom si casalananardari, toy neir lan urrum si mapelet si atdin deet tajuar macasalanan, si atdir panconfesalnar mebbes.

M. Sinunun tiempo, an gugulon di tajuar si pannomnomnar si casalananardari?

D. Uar manconfesalar si manpingsan lojom si sin-taunan, on uar uarar si deen atongolana, ot deet peleton dat tiempon pannomnoman dat casalananardari, mu urrumardari, an manconfesal si majajot, on neirardarin deet atongolanda.

M. Tangan die urrumar, an mapelet si mebbesar panconfesal?

D. Ar pantutuyuar si casalananardari.

M. Ngat atodajan si pantutuyu?

D. Ossan sait, an mibus si pusum di tajuar si ar inpanguiorojnar si Diosar.

M. Nansinunur pantutuyar?

D. Duara: uar ossar, ot maingaranan si *Contricion*: on uar ossar, ot *Atricion*.

M. Ngat atodajan di pantutuyuar *Contricion*?

D. Ossan sait ammay, an mibus si pu-

sun di tajuar si ar inpanguiorojnar si Diosar, an catuliran aruon, on pableon, mu si lom-anar, si ar beasnar, on able-anar neir ysuna.

M. Ngat atodajan si pantutuyun *Atricion*?

D. Ossan sait, an meaput pusun di tajuar si pannomnomnar si abandayan di casalananardari, an ynpangorojnat Diosar, an maraum marrin manpasgop ysiat gloriar, on manguitodaj bayao ysiat infernosar.

M. Tangat pib-onan di patutuyuar *Contricion* si *Atricion*?

D. Toy uar *Contricionar* ot meaput aruar si diosar, on uar *Atricionar*, ot meaput tautar ysia.

M. Mian-oj or di pantutuyuar *Atricion* si mebbesar panconfesal?

D. Mian-oj mu lalon mebbes, on masegurur pantutuyuar an *Contricion*.

M. Mardaj or di panconfesal di tajuar mu tutuyuanar casalananardari, meaput lojom si baynar, ó tautnar si uarat dumatong si sait si batangnar?

D. Mardaj eman.

M. Tangat mipajuan apion di tajuar

pieanat pantutuyuar, an mapelet si panconfesalar mebbes?

D. Uar maunar, ot tonanan rien orauon si Diosar: on uar arauanar, ot tonanan pasorosdeon, ta mantutuyut mebbes, on manguioroj si casalananardari.

M. Ngat innunan sunder pantutuyunar?

D. Sumde emar pantutuyunar, mu nomnomonan ngangauon, ta uar casalananardari, ot nangan da ysiat graciar, an ossan ylang mable, mu lom-anar, an tonau di inundoar: sumde par pantutuyunar, mu totemona, ta neir mos biangnat gloriar, an neir tunana: ta ynpajom mos si gaijayanarla, an amoy miybat diabloadarit apuyar neir tunana: On atdi pay la, mu totemona, ta ynorojnar Diosar; an Aman panunanmar, on ta sinubbetnar ylangnardarit atdin deen eamangan. On mabus yla mos nangangao siratien lom-an, ya mandasal ottiat panalanguenar; an *Apu Jesu-Christo etc.* mu boon si tamilnar lojom mu marrin pusunar deum.

M. Tangan die atlunar, an mapelet si mebbesar panconfesal?

D. Ta mauping-ot di tajuar si masdet

nomnomnar, tamarrin manpiruan mancasalanan.

M. Tangat aymmatunana, ta masde rien ping-ot?

D. Uar aymmatunana, mu ittun di tajuar si esepnar, on pusunar, an manan manguioj si lom-anar an tonan di batangar, on mantipet lom-anardarin sait, mu ar pangapianar si lojejomnean casalanan ammay.

M. On uar manping-otar si masde, an marrin mansumpa; mu marri bayao manping-ot, an marrin mangaa, ot anianar panconfesalnar?

D. Mardaj; toy asana ylan mebbes di panconfesalnar ya mapelet, ta maping-ot di tajuar, an marrin poddan manpiruan mancasalanan, on manguilauin sinapat si lom-anar, an yeajenan mangajamir ysiat casalananar.

M. Tangan die umapatar, an manpelet si panconfesalar mebbes?

D. Ar panguiconfesalar si padrear si casalanardarin lom-an si neir lan misaut yrira.

M. Tangat nabangon taut panguiconfesal tauar si casalananardari?

- D. Uar maunar nabangon tau, ot ta mamalippatur piea tauar si apatauaran di casalanan tauardari: on uar ossar, ot ta mapuor di aatajayan di pusu tauar si virtud di humildadar, an mibtao si panguiconfesal tauar yrira.
- M. Mebbes or di panconfesalar si majajot?
- D. Mebbes eman; toy satut mangdum si graciari on ypajnan di tajuari si sajungon di diosari on manparee pay lat alitangan di pusunar.
- M. Anianar gajot di panconfesalar, an ytujun di santosardari?
- D. Manpingsan si opung di buenar.
- M. Mebbes or di pangapiari si confesion general?
- D. Mebbes eman mu yaboloy di padrear si tajuari, an majaijayan mangapiat dien confesion.
- M. Tangat panservian di confesionar general?
- D. Si ar abayaran di ynacolang di confesalardarin damdama, mu uara emat colangda.
- M. Onat mebbes an pangapian di tajuari si confesion general?
- D. Mebbes an apiona, mu majaijaya

mos mangasau: ó mu majaijayan manguilaput ossan pantajun beu, ó marevotos.

M. Sirat mapelet mangapiat confesion general?

D. Uar maneajear si anur, ta mardaj di inpanconfesalnardarin nioroj, nibus si colang si pantutuyunar, ó nibus si neirar soren di pingotnar an marrin manpiruan mancasalanan.

M. Anianar panguiconfesal di tajuar si casalananardari?

D. Tonana riran yconfesal si ammain asôban di pusunar, on ammain baina, nibus si ynpiseunar si Diosar; tonana pay engatan ta marrin manliliuos manguisursur si casalananardari: ta urriana riran ysangsangcan, on ysalin si urruin taju; on ta marrin mangarongaron si taju: on alimbaua ta uarat peletonan ybajat padrear, an boon casalanan, ot urrianan ysursur ysiat di panconfesalanar.

M. Anianar panconfesal di tajuar, mu uarat yconfesalnat casalanan ammay, an ynurrianan ynapia, ó mu ynsautnar casalanar ynapiana?

- D.** Mardaj; toy manburburruy, on majaijaya ylan manconfesal si mebbes, ya mapelet ta ibajanat padrear di ynpanburburruynar, on atdi paylar urrumardarin casalanan, an ynconfesalbat potônatdi; toy neir lan napatauaran yrira.
- M.** On uar nanamatamar si ossan casalanar ammay, ot mebbes ór di ynpanconfesalnar?
- D.** Mardaj, mu tinamanat mibus si easnar nannomnom si casalananardari: mu tinamana yla si boon nibus si easnar mandardaran, ya mebbes di panconfesalnar; mu tonanan ybajat padrear, mu umulin manconfesal.
- M.** On tangan dararien casalanan, an tonan di tajuar yconfesal?
- D.** Tonanan yconfesal di casalananardarin amtana, ta ammay ran tua, on atdi paylar casalananardari, an durduônât èsepnar, mu ammay ra, ó boon dan ammay.
- M.** Tangat urrum si tonanan yconfesal?
- D.** Ar yap di casalananardari; on ynurriana ylan dinaum ninomnom di yaddar, ya ybajana rirat masene, ó cu-

molang, manoy si tiempoar, an nannarnaranat dien ugalin mardaj.

M. Tangat urrum si mapelet an yconfesalna?

D. Ar mitainar si urrum si casalanardari.

M. Ibulijas mu tiet ossan alimbaua?

D. Alimbaua, ta uarat manga-ao si pilaj au tonan di simbaanar, ya marrin mian-oj ta ybajana lojom si Padrear di ynpangaaonar; mu marrin mapelet ta ybajana, ta uar ynaaonar ot tonan di simbaanar: atdi payla, uar nancasalannar si anomnar tongtong di Diosar, ot marrin mian-oj mu ybajanan lojom di ynpiseunar; toy mapelet ta ybajana payla, mu ynmasaua, ó boon ynmasaua, ó ybanan asasup di tajuar niseuana.

M. On uar marriar mangapiat casalanan ammay, tangat yconfesalna?

D. Uar yconfesalnar, ot ossat casalanardarin man-oj, an ynurrianan yninaman ynapia, ta alilat masder pantutuyunar sirrie, on masde paylar pingotnar au marrin manpiruan mangapiat *die: on alimbaua, ta mandurdurua, ó yeajena ta boon masder pantutuyunar*

sirrien casalanar man-oj, ya lalon mebbes, ta yconfesalnat ossat casalananar-darin ammayn damdama, an piruonan tutuyuan, on yoroj.

M. Tangan die alimantar, an mapelet si mebbesar panconfesal?

D. Ar panumpalar si peanurar, ó penitenciar, an atdon di padrear.

M. Anianar casalanar di marriar manumpal si peanurar, an ynator di padrear ysia?

D. Ammair casalanar, mu ammair bojtoy di peanurar, an urrianan sumpalou; mu man-oj ylan guet, ya man-ój paylar casalanar.

M. On-at mapelet si asumpalan di peanurar?

D. Mapelet ta masumpal si tiempoar, an ynbajan di padrear; on neir ylan ynator di padrear si terminot asumpalana, ya mebbes ta masumpal si majanú; toy uar manguirondonoyar si an-san si panumpalnar si peanurar, ot ammair casalanar, mu neir sangcanaan matulir.

M. Tangat nabangon di tajuar si panumpalnar si peanurar?

- D. Uar nabangonar, ot ar panbayarnar si peanur di casalananardari, an mapelet mabayaran si purgatorioar, mo marrin mabayaran si mebbes situ mundoar.
- M. On tangat urrum an mebbes si panbayar di tajuar si peanur di casalananardari?
- D. Ar Indulgenciardari.
- M. Ngat atodajan si Indulgencia?
- D. Uar atodajanar, ot apatauan di peanur di casalananardarit ar inpapjan Jesu-Christoar, on sasantosardari, an pibiang di pun di Santa Igle-siar si christianoardarin manalanguen, on mandasal si atdir tujunar yrira.
- M. Tangat mapelet ta maraum di tajuar manguenat Indulgenciar?
- D. Uar mapeletar, ot ta nararan di gracia si anguenar, on ta sumpalonar tujun di nangatar si Indulgenciar.
- M. On uar Indulgenciar, an nitnat angueardarit purgatoriar, ot daumon or ean di tajuar an neir nararan si gracia anguenar?
- D. *Atdion di urrumardarin Doctores, ta nabangon di angueardarir Indul-*

genciar ampaylamo neir gracion di man-
guitnar yrirat die.

LICION 4.

- M. Tangan die apatnar sacramento?
D. Ar Eucaristiar ó comunión.
M. Ngat atodajan si Eucaristia, ó comunión?
D. Osan sacramento, an ittuan di mablear batang di aputauar Jesu-Christo, manoy si deanar masantos, anguenar on ynariosnar si abataran si tinapay, on alaj.
M. Uara ór si matdan si tinapay, on alaj si Eucaristiar?
D. Neirla; toy uar lamos di tinapayar ot nanbaliu mos si batang Jesu-Christo; on uar lamós di alajar, ot nanbaliu si deanar masantos.
M. Boon mabatar si mablear hostias, on calizar di colorar, tepar, on tamtam di tinapayar, on alajar?
D. Mabatar eman sirrir colorar, tepar, on tamtam di tinapayar, on alajar; mu ua rararie, ot boon dan lamos, ó substancian si tinapay, on alaj; mu mar-

rin accidentes, ó abataran di tinapayar,
on alajar.

M. Onát aapian di atdiar panbaliu, an
mamilagro?

D. Maapiat masantosar sajpat di misar
si ar pangonsagarar.

M. Abus ór di batang Jesu-Christoar
si mittut mablear hostias, on abus di
deanar masantos si mittut calizar?

D. Ua y Jesu-Christo ot dioy lan ma-
buat mablear hostias, on dioy pay lan
mabuat calizar, mu nabus dan nacon-
sagra.

M. Uara ór sirrir batangnar, an natoy?

D. Dioy lat din mataju.

M. Mittu or si mablear hostias di yna-
tauar Santa María ó urrum si Santos?

D. Neir la.

M. Uara ór sirrir ángelesardari?

D. Marriran mittut mablear hostias, mu
dioy ra bayao nipalior, an mangui-
galang si aputauar Jesu-Christo.

M. Mabeua ylar mablear hostias, ma-
beua ór pay lar batang Jesu-Chris-
toar?

D. Marrin mabeuar batang Jesu-Chris-
toar; on uar mabeuar, ot ar color di

tinapayar, tepanar, tamtamnar, an accidentes, on abataran si tinapay.

M. On maji-guîs ylar mablear hostias si deen guîguîs: ya tangat guîguîs si ittuan di batang Jesu-Christoar?

D. Uar batang di aputauar Jesu-Christo ot mittun mabuat guîguîsardarin lom-an, on mittu pay lan mabuat sin ossa yrira.

M. Uatoy osossear batang Jesu-Christoar, tangan die ynnunar mandirisan mit-tut atdin deen hostias, an maninbob-ôn, on mansin addauira pay la?

D. Mandirisan mittu yriran lom-an si mamilagro.

M. Yalimbauam tie?

D. Atdir bajangar; an voces di tajuar, ampaylamo osossea, ya mandirisan marnguet tanguilan si nanbôbôn si taju, ampaylamo mansin addauira: atdi pay lar batang Jesu-Christoar; ampaylamo osossea ya mittun miypong an mabuat hostias nanbôb-on, ampaylamo mansin addauira.

M. Tangat nanguireajan di aputauar Jesu-Christot sacramenton di Eucaris-tiar?

- D. Ta uarat ypaarnat Santa Iglesiar si ossan señal di arunar ysia, on ossan bandin manpayaman ysia.
- M. Ngat nabangon di minabangar, on anianar pandardaran di minabangar?
- D. Uatie, ot nibulijas mos si aptioyar anûnûan di dasalar.

LICION 5.

- M. Tangan dic alimantar sacramento?
- D. Ar Extremauncionar, an panguipunas di padrear si masantosar oleot manatungardari.
- M. Sirat maraum manauat sitien sacramento?
- D. Ganaganan di christianoar, an nancasalahan, mu uarat yeajenat atayana.
- M. Ta maraum di manatungar manauat sitien sacramento ; mapelet ór ta mandogdog-gò mos?
- D. Marri; on mipajna bayao, ta dauatonat mebbes tar nomnomnar, ta maraum mandardaran manauat si bungan di satien sacramento.
- M. *Tangan die bungan di satien sacramento?*

- D. Mangdum si graciär, on mangaulit toran di casalananardari.
- M. Tangan die an maingaranan si toran di casalanar?
- D. Ar ujpuyar, an buyon di anguear si pangunurar si mebbesar; toy uar atdiar ujpuy, an meaput casalananardari, ot matdan tat aguear, ampaylamo napatauaran da mos.
- M. Tangat urrum bungan di satien sacramento?
- D. Mangator si soret manatungardari, ta mantiperat sait di panatungdar, on ta maraum dan mangamis si diabloar sirrien horas yubot: on ua par ossär bungan, ot manpebbes si urrum si batang di manatungar, mu sarrit mipajnat ar abbesan di anguenar.
- M. Tangan dien mapelet, ta mebbes di panauat di manatungar sitien sacramento?
- D. Mapelet, ta nararan mos di graciär ysia; on uara ylat casalananat ammay, ya mapelet ta yconfesalna tay, on ta tutuyuanan yoroj si masait, on asana mos manauat sitien sacramentot ammain devocion.

LICION 6.

- M. Tangan die aňomnar sacramento?
D. Orden, ar panpa-padrear.
M. Ngat atodajan si orden?
D. Ossa sacramento, an mangator si gracia, on panaraum mangapiat apiar-darin masantos, an tonan di Santa Igle-siar, si atdir pan-misar, panconfesalar. etc.

LICION 7.

- M. Tangan die apitunar sacramento?
D. Matrimonio, pancasal di christianoar-dari:
M. Ngat atodajan si matrimonio?
D. Ossa sacramento, an mangator si gracia leayar on babayar, an manca-sal; on manpa ossa pat gaijayarar, on pusurar si panumpaldar si tonan di satien sacramento.
M. Tangat mapelet, ta mebbes di pan-dardaran di manauatardarit sacramen-ton di matrimonioar?
D. *Mapelet*, ta uarat nararan si gracia

yrira; on uara ylat casalanan dat ammay, ya mapelet ta yconfesal da tay, on ta tutuyuan dat masing-ao si pusu, on asan dan dauaton di bungan di satien sacramento.

M. Tangat urrum si mapelet, ta mebes di panauat dar sitien sacramento?

D. Mapelet ta uar mancasalardari, ot neir urrum si najon dat panauatar sirrie, mu marrin panâna dar, on aauijian di ajamuanardarin mardaj.

M. Tangan die atongolan di sinbeyanardari?

D. Tonaran mansinaru, manyngalajalang, mansindarâda, manynsalinu manyntipet acolangandar, on marriran maraum manbibisâ man-oy si atayan si ossa yrira: on uara ylat anâda, ya tonara riran salinuan, on ytuttureuan si dasalar, tautar si Diosar, on urrumar atongolan si christiano.

M. Anianar casalanan di umieesar mangasauat nisipananar pangasauan otia?

D. Urriana ylan sumpalon di sipanar si neir sangcan matulir, ya ammair casalananan; toy posongonat masait di nisipananar.

- M. Tangat mebbes, an apion di leayar, an nisipan mangasaua, si nanung di asumpalan di pancasalnar?
- D. Uar leayar, ot lalon mebbes, ta marrin amoy si majajot si beoy di babayar, an nisipanana: On uara ylat apilitanan amoy sirri, ya tonanan engatan, ta marrin misabsabayat si asauonar si atantaniranar; mu marrin sajungon di dadeenardari, ta maraumdan mandonguet bâbâondar: uara ylat ajayjayan yregalo ysia, ó dadeenardarit lojejomnean anón, ot lalon mebbes ta boon sian onang mangui-oy sirri: mu marrin ypauitna otiat ybanardari. On ajayjayan ylar dadeen di bayar, ta amoy mantrabajot beoyrar, ó urrumar an tonara, ya urrianan podda tien unuron; toy satut ugalin si buccalot, an nibaual si masait; on nabuya, ta satut eapuan si deen ardajan: on neir biangnarie ya manpabaybayn tien anur si leayardari.
- M. On uar babayar, an nisipan miasaua; tangat mebbes si apionat nanung di pancasalnar?
- D. Uar mebbesar ot ta marrin mana-

bebeu, ta guminô bayao si beoynar:
on mapelet ylan amoy si addaui, ya
tonanan milu-uy y ynana, ó ybanar-
darin man-angue. Uara elat dongueo-
nat lojejomnean mardaj, ya marri otian
mantataua, on urriana pay sabsabaya-
ton. Mandevocion otiat Vírgenar Ma-
ría; on majtupan yla mos di panca-
salnar, ya pajogôgôs otia ysia, ta man-
guiea yriran sinbeyan si pamendicion
di anànar Jesus, ta sia otiat pansuyuan
dat man-oy lan man-oy.



ANUNÚAN DI

PANALANGUEN DI AMAMIAR.

LICION 1.

M. Sirat nangapiat panalanguen di *Amamiar*?

D. Ar aputauar Jesu-Christo.

M. Tangan die sangcanar nangapiat tien panalanguen?

D. Ta manguitutturu yritaui ynnu tauar manalanguen, on pajogôgôs si Diosar.


M. Tangat tona taun orauon si Diosar?

D. Ar lom-anar, an tonan di abbesan di anguear.

M. Mebbes or ta orauon taut Diosar di tonan di abbesan di batangar?

D. Mebbes eman: mu orauon tau yla raratiet Diosar ya tona taun daranon si nomnom tauar, an pajogôgôs ysia, ta ytkena yritaui orauon tauar si tonan di batangar, mu mipajnat ar abbesan di anguear.

- M. Nansinunur panalanguenar?
- D. Duara: uar ossar, an mirunan si deum di anguear, ot maingaranan si *mental*: on uar ossar an mibtao si bâbâ, ot maingaranan si *vocal*.
- M. Anianar tona tauar manalanguen, on pajogôgôs si Diosar?
- D. Tona taun manalanguen, on pajogôgôs ysiat ossan esep majinô, si mahumilde, on marevotos, si ammayn panguilalo, on pannarnar.
- M. Dasalom ylar *Amamiar*, ya sirat pitubutveam?
- D. Ar Aputauar Dios.
- M. Tangat parring ingaranan taur Diosar si Ama?
- D. Toy uar piamatauar ysia, ot satut manpanomnom si arunar yritau, on manpasdet panguilalo tauar si gôgôs-nar.
- M. Anan taun atdion: Amami; on urrian tau bayao atdion: Ama?
- D. Uar maunar sangcan, ot toy uar Diosar ot siat Aman di tajuardarin lom-an on sin-y-iba taun lom-an: on uar aruanar ot ta mibtao ta boon abus di tonan di abbesan tauar si orauon taut



Diosar, mu marrin tonan di abbesan di tajuardarin lom-an.

M. Anan taun atdion: *Uara at vyopar on uean tuoy ri Diosar si lugarardarin lom-an?*

D. Toy sirrit pibtaoan di glorianar, on ableanar, on sirri paylat panbataran di mapearardari ysiat manbotao.

M. Ngat orauon taut Diosar siratien bibil: *ygalang di ngaron muar?*

D. Orauon taut Diosar, ta amton otiar tajuar dojap di ngaronar masantos; on ta siat purion da otian aruon, on pansuyan.

M. Ngat orauon taut Diosar, mu anan tau: *Dumatong yramir Panariamar?*

D. Orauon tau ysia, ta manari oliat Anguetauardarit tu piôar si at gracianar, on asana mos manpinabang yritaut glorianar sirri vyopar.

M. Ngat orauon taut Diosar siratien bâbâ: *Maunur otiar ajaijayamar situ piôar si atdit vyopar.*

D. Orauon tau ysia: ta ua yritaun tajun mittut tu mundoar, ot manumpal tau *otiat masing-ao si pusu si ajaijayanar, on tongtongnardarin masantos, si aldir*

pangunur di Angelesardari, on sasantosardarit di vyopar.

M. Ngat arauon taut Diosar, mu atdion tau; *Uar anon miar si opung si eajao, atdom yramit eajaoar besan?*

D. : Pajogôgôs tau isia, ta uat pajauan taun mantajut tu piôar, ot atdona yritaut opung si eajao di lom-anar, an peleton taut tonan di Anguear, on Batangar.

M. Ngat arauon taut Diosar, mu annan tau: *ypatauar mu yramir otang miardarit atdit pamatauar mit naotanganardari yrami?*

D. Pajogôgôs tau ysia, ta ypatauar na yritaur casalanan tauardari man-oy si peanurdar, si atdit pamatauar taut ysutauar nanpardaj, nanmora, on nannasait yritau; on urrian tau ylan patauaran di ysutauar taju, ya urrian ditau pay patauaran si Diosar.

M. Ngat orauon taut Diosar, mu anantau: *On urrian daamin ypuroy ysiat sojsoar?*

D. Uar orauon tauar, ot ar panaddanar yritaut gracionar masantos, ta urrian taun aboloyan di sojsoar, on ta marri taun paamis si tiuardarin eom di anguear, an mundo, demonio, on batang.

- M. Ngat orauon taut Diosar, mu a dion tau: *Ibaliu raami bayao ysiat mardaj lom-an?*
- D. Uar orauon tauar, ot ta ybaliu r taut Diosar si casalanamar, an lalc mardaj mu mardajardarin lom-an: o atdi pay la ta ibaliu ritau ysiat na bôbônardarin sait, an maraum dum: tong si batangar, mu satut mipajna ar abbesan di angucar.
- M. Ngat atodajan disatie bâbàar yubo *Amen?*
- D. Saotiari: mirunan otiat atdir or uôar.
- M. Tangat parring mituptup tien ngaron *Jesus*, si umpus di panalanguenai dari?
- D. Ta ygalang taun ytauaj di ngaron nar tien mable, on ta minabang ta indulgenciasardari, an niylang si ma guibusuoyardarit masing-ao si pus tien ngaron *Jesus*.

ANUNUAN

DI AVE MARIAR.

LICION 2.

- M. Tangan die maunar panalanguen,
an panguigalang tau, on pajogôgôs si
masantosar Virgen?
- D. Ar panalanguen di *Ave Mariar*.
- M. Sinunuran bojtoy di *Ave Mariar*?
- D. Tiura.
- M. Tangan die maunar bojtoy.
- D. Satu: *Ave Maria napuat gracion,
apuar Dios uara ysia: bendita at baba-
yardarin lom-an.*
- M. Sirat nangapiat tien bojtoy ri *Ave
Mariar*?
- D. Ar Archángelesar San Gabrielsi nan-
guibalitanat masantosar Virgen si Mis-
terion di tinajuan di Anâ di Diosar.
- M. Tangan die aruanar bojtoy di *Ave
Mariar*?
- D. Satu: *on benditar bungan di putumar.*

- M. Sirat nangapiat tien bojtoy?
- D. Si Santa Isabel, an Inan San Juan Bautista; toy uat inayan di Virgenar María an nan-langayan ysia, ot ynbusuoy Santa Isabel dararien bibil si ynpamurinan ynpanguigalang si masantosar Virgen.
- M. Tangan die atlunar bojtoy ri *Ave Mariar*?
- D. Satu: *Santa Maria Inan di Diosar*, on urrumar man-oy si umpusnar.
- M. Sirat nangapiat tien bojtoy?
- D. Ar inatauar Santa Iglesia, an natutururuan si Espiritu Santoar.
- M. Ngat orauon taut masantosar Virgen, mu dasalon taur *Ave Mariar*?
- D. Orauon tau ysia, ta manguipajôgôs, yritau, on manguiea yritaut tien atajuan si gracion di Anânar Jesus on osan atayan masantos.
- M. Sirat pitubutbean tau, mu dasalon taur *Ave Mariar* on *Salve Ari*?
- D. Ar Aputauar Santa María.
- M. Siran di Aputauar Santa María?
- D. Ossan Señoran masantos, Virgen *maliting lan* panunan, napnut gracia, on *virtudes*, on Inan anur di Diosar.

M. Dat ittuan di Aputauar Santa María?

D. Dioy si vyopar di anguenar manoy si batangnar.

M. Uarara or si deen Santa Marían Aputau?

D. Neirla: osossea lojom.

M. Siran pan die, an dioy si Altarar?

D. Uarie ot ymasear, ó tinajutajun di dioyar sirri vyopar: on ygalang tau ylan yrojoan di ymasenar, an dioy si Altarar, ya uar atdiar galang, ot amoy si masantosar Virgen, an dioy sirri vyopar.

M. Ossosea ylar Aputauar Santa María, ya tangat parring atdion tau: *Inatauar Santa Maria del Rosario: Aputauar Santa Maria del Càrmen; Inatauar Santa Maria del Pilar?*

D. Uar Inatauar Santa María, ot ampaylamo ossosean tua, mu maingaranan si nanbob-on ngaron, ó título, an nittu ysia, nibus si nanbob-onardarin ylang, on gôgôs, an ynduana yritaun christiano.

M. Mipajna or ta pajogôgôs tau paylat Angelesardari, on Sasantosardari?

D. O Ama; toy dirat manguilaua yri-taut sajungon di Diosar, on uar Angelesardari, ot mamiuipiuil dat Santa Iglesias, on manbantayran manaruaruj si tajuardari.

M. Atdi yla uarat Angeles mun manbantay ysia?

D. O Ama; toy ditaun taju ot naopongan taun lom-an si Angeles, an manbantay yritau. Atdi yla, ya catuliran ta mandevocion tau yrirat masing-ao si pusu, ta ytujun tau yrirar angue-tauardari, on batang. On uatoy dioryan sinapat manbantay, on mangu-nur yritau, ot urrian tau ottia riran paadauion yritaut apiardarin mardaj, on tautan tau bayao apion si sajungon-dar di tautan tauar otian abainan apion si sajungon di tajuardari.

M. Tangan die, an tona taun engatan si pandevocion tauar si masantosar Virgen?

D. Uar maunar, an tona taun engatan, ot ta urrian taun esepon, ta uar gôgô-sardari, on ylang, an orauon taut masantosar Virgen, ot meapura ysia; toy ua ysia ot amung ossan sayur, an pa-

nayusan di ilangardarin atdon di Diosar yritau. Uar aruanar.

Uar aruanar, an tona taun engatan, ot ta urrian taun esepon, ta uara ylat dasalon taut panalanguen, an mitnat masantosar Vírgen, ya mabaliuan taun poddat lojejomnean sait, on ta maseguro di yooy tauar si vyopar si ampailamo neir lan pilit taun mantajut atdir aral di Evangelioar; toy uar masantosar Vírgen ot urrianan ylaúan di majaijayar mannarnar si casalananan; on neir pay maraum amoy si vyopar, mu urrianan sumpalon di aral di Evangelioar, an tongtongardarin masantos.





ATTUAR PANDASALAR

SI MASANTOSAR ROSARIO

SI YNATAUAR SANTA MARIA.

*Mabus ylar pancruzar, ya marasal di mi-
seupar an pajogôgôs.*

Apumin Dios maaru en panunan, Aman
di anguemiardari, yusdung mur gôgôs-
muar neir tunanat pajogôgôsmiardari, on
panalanguen: on ta maraumdan mansa-
uang si tanguilamar maayayu en panu-
nan, ya palitingom ypan di pusumiar-
dari, on tamil miar si apuy ri arumar
madios; toy gumutû ami mos dumuuj si
siyn di ayayumar madios, on atdion mit
immayn sait di pusumiar: maayayu en
panunan Apu, Aman di gôgôsardari, on

nannob si angueniardari, tutuyuan mir
 ynpanguiorojmiar ysia; toy ar beasmuar
 neir tunana, on ar pangaru miar ysia mu
 si lom-auar: Ajögôsan daami ysia, on yla-
 loan mi, ta uar panaddamar yramit Gra-
 ciamar masantos; on ar panguilauan di
 Inamar mable yrami, ot saemandit man-
 pasdet ping-ot di nomnomiar manguilu-
 man si pantajumiar. On ua isia, maa-
 ruen panunan Apumi, ot yean daami ysiat
 Anânuar Jesus si intoj, aru, on gracia,
 ta mipajuar panguigalang miar ysiat ma-
 santosar Rosario, an dasalon mir besan si
 ar ajalangan yuar sin Iua, on ar aataja-
 yan di ngaron yuardarin mable, si ar ea-
 saan di panutuan di Iglesiar Católica, on
 ar paninbebbes di ariardarin christiano:
 si ar puntutuyun di macasalanauardari,
 on ar abaliuan di angueardarit purgato-
 rioar, on lalotar nandevotosardari ysia,
 on urrumardari, an tona min ypajögôs.
 Amen Jesus.

MISTERIOARDARIN GAYJAYA,

an tonan di maunar bojtoy di Rosario, an dasalon si maunar, on apatnar eajao.



Uar maunar Misterion gaijaya, ot ar tinajuan di Aputauar Jesu-Christo.

A Jesus! tinmajut ar abbesan tauar do-jap!

Tutuyuâ Dios ur seuar lom-an.

Totemon 'taur gôgôs di Anâ di Diosar, an naapian tajut ar ynpannob nar yritau: On atdi paylar gaijayan di Iuanar masantos si tinajuan di Diosar si putunar maliting lan pangangalang. Si ar ajalangan di satieu Misterio, ya dasalon taut ossan Amami, on sinpiun Ave Maria.

NAUT.

Arii gaijayamar Apû!
 Si nilasunan di Diosar,
 On naapian tajur nannobar
 Si putumar masantos.
 Anâ mur Anâ di Diosar
 Namalsat dojapardari
 Igalang daat tajuwardari
 On Angeles sirri vyopar.



Uar aruanar Misterion gaijaya, ot ar ynpan-
 lang-ay ri masantosar Vîrgen si Capingsanar
 Santa Isabel.

A Jesus! A Vîrgen, an nanlang-ay y
 Santa Isabel on Anânar!

Tutuyuâ Dios ur seuar lom-an.

Totemon taur gaijayan di Aputauar
nta Mariat nanlangayanat capingsanar
nta Isabel, an nanguigalang si Inan
Diosar si ynatdina ysia: *Bendita-at ba-*
yardarin lom-an, on benditar bungan
putumar. Mijalang tau payla ysiat
ndasal tauar si ossan Amami, on sin-
un Ave María.

NAUT.

Nitutue át capingsan muar
Si nandamotan yun dua,
On nanaj-tutut putumar
Di ungar an si San Juan.
Tinutuan mos di Inanar,
Ta uarar Diosar ysia,
On yngalang daa ysiat
Ammain pangaijayana.





Uar atlunar Misterion gaijaya, ot ar nianâa di Aputauar Jesu-Christo.

A' Jesus! ni Anâ si mahumilde, o meoja!

Tutuyuâ Dios ûr seuar lom-an.

Totemon taur ynpananâ di Aputau: Santa Mariat Anânar, an Dios tua, on taj pay tua, si marrin naorodajan di yn Virgenar: On atdi paylar gaijayanar nandongucanat Angelesardarin nangu galang si Anânar uable. Si ar ajalanga di satien Misterio, ot dasalon taut ossa Amaani, on sinpiun Ave Maria.

NAUT.

**Ynanà mur Anà di Diosar,
An naapian tajut putumar,
Ta sonban ditau ysiat
Diabloar, on casalanan.**

**Niseum di Angelesardari
Nanguigalang si namalsar,
Tiu pat Arin maamta
Man-oy si Pastorardari.**



**Uar apatnar Misterion gaijaya, ot ar ynpan-
guipatanir di Apütauar Santa Mariát Anànar
mablet Amanar Dios: On ar ynpanpalitinguar.**

**A Jesus! unga, on nitna-át Diosar!
Tutuyuà Dios ur seuar lom-an.**

Totemon taur ynaasôban di Aputauar
Santa Marían nangunur si tongtong di
panpalitingar, on uean marrin narirdiar
ynpan-anânar; On atdi paylar gaijayanar
si nanguipataniranat Anânar mablet Ama-
nar Dios. Si ar ajalangan di satjen Miste-
rio, ya dasalon taut ossan Amami, on
sinpiun Ave María.

NAUT.

Ynmoy á mos si Simba-anar!
Nangunur si panpalitingar
Uean marrin narirdiar
Ynpan-anâ muar mabanal.
Ynpatanir mur Anâ muar
Si Amanar neir tunana,
On dinauat na tien sajpat
Si aminayn panunau gaijayam.





Uar alimanan Misterion gaijaya, ot ar inpa-
natong dar si Ungar Jesus si Šimba-anar Je-
rusalem si atlunar eajao si nansunut natila-
ana.

A Jcsus! naratong si beoy ri Diosar.
Tutuyuâ Dios ur seuar lom-an.

Tótemon taur gaijayan di aputauar Santa
Mariát nanatnganat Anâ-nar mablen yna-
nap nat ogor si tiun eajao, an natila-ana.
Mijaijaya taut inatauar tien majogôgôs,
si pandasal tauar si ossan Amami; on sin-
piun Ave María.

NAUT.

Nasaitan eán panunán
Si natila-an di Anâ muar;

Mu aminain tuar gaijayamar,
Si nanatugam si Simba-anar.

Mijaijaya ami ysiá
Sitie lingaling muar
Si nanatugam si Anâ muar
Manpalingaling ysia.

ESTRIVILLO.

Satie ynpan-Rosario miar
Itna mi ysián maayayu
Si pajauan min mangangao
Si gaijayan di anguenar.
Apu min Iban di Diosar.
Daddan daami ysiá;
Ta mubatar ami otia
Irayun sin Inat gloriar.

PAJOGOGÓS, AN PANGUITNA.

Mamis lan panunan Virgen María, Arin
di vyopar, on pioar, Iban di nannobar
Jesus on Iban di macasalananardari; tuoy
amin gumutâ manlubbub si dapan di si-
ymardarin mable, an manguitna ysiat

pusumiar, anguemiar, on ajanuam miardari, man-oy sitien bojtoy di masantosar Rosario, an dinasal mit ar ajalangamar, on ar anonmoman di Misterioardarin masantos, ta ypatanir mu otia raratiel tronon di Añâ muar Jesus, an manguiylang otia, si ar panlauamar, si mebbesar pansababayat di príncipeardarin christiano, on paninpapajuan di pusurar: on atdi paylar easaan di panutuar masantos, on pangamis di inatauar Santa Iglesia; pantutuyun di buccalotardari, hereges, on tajnardarin macasalanan: graciát abuisuymiardari, on amigosiardari; alingalingan di naslotanardari, on abaliuan di angueardarin masasaitan si purgatorioar, lalotar mandevotosardari ysia, nampajaiyardari ysia, on tonamiardarin ipajógós; apatauarán par, casalaan miardari, on peanurar, an mipajua yrira; panuarinarar si virtudesardari, on ytuttuburar; panubbes si mansuyuardarin mandevocion ysia; ta uar mandrosarioardarin manguigalang ysiat lien atajuan, ot mipajua ami otian manguigalang ysiat gloriar si man-oy lan *man-oy*. Amen Jesus.

ATDION LOM-AN.

Ave, Anâ di Diosar Ama.

Ave, Inan di Diosar Anâ.

Ave, Esposan di Diosar Espiritu Santo.

Ave, ittuan di Santísimar Trinidad.

Marasal si ossan Amami, on ossan Ave Maria on Igalang etc. on miseup di Letanjar, on Oremus, an uarat umpus di Misterioardarin Magloria; on asanan marasal si Salve Ari, on uar yubotar ot satu.

Mijalang mijâguit di masantosar lan panunan Sacramentot altarak, man-oy si malitingar lan pangangalan nisisipean di Virgenar María, Inan di Diosar, an apumin nisisipet ncir dian si casalanan si nansunut lapun di ynauaranar. Amen Jesus.



MISTERIOARDARIN MEONGCOT,
an dasalon si aruanar, on alimantar eajuo.



Uar maunar Misterion meongcot, ot ar ynpanalanguen di Aputauar Jesu-Christot Amanar Dios si Laontar Getsemani.

A lingot mapait, on aslotan Jesusar!
Tutuyuà Dios ur seuar lom-an.

Pa-anomnomion taur congcotanar on aslotan di aputauar Jesu-Christot pajauánan nanalanguen si Amanar Dios; on atdir longcotnar, on naslotanar ya nanlingot si dean nanayus mau-oy si piôar. Miramay taut longcot dar sin ynat pandasal tauar si ossan Amami, on sinpiuh Ave Maria.

NAUT.

Neongcotan at ammay,
 Si naslotán di Anâ-muar,
 An nanlingot si dean anur,
 Si nanalanguenanat Amanar.

Sirat marriñ misasait
 Irayun Jesus on María?
 Naibayar si otang miar
 Si aslotan yuar sin Ina.



Uar aruanar Misterion meongcot, ot ar ya
 pamungbungdar si apatauar Jesu-Christon u
 beur si tuurar batú.

A Jesus! nabungbung si beoy Pilatosan
 Tutuyúa Dios ur seuar lom-an.

*Pa-annominomon taur ynpamun
 bungdar si masait si apatauar Jesu-Chris*

Cristiana.

ar casalanan tauardari: On atdi pay
aslotan di Inanar nambatar ysia. Mi-
pay taut sait dan sin Inat pandasal
ar si ossan Anami, on sinpiun Ave
ria,

NAUT.

Binungbung dar Anâ muar
Si liman libu ot naseuean,
On natirtiran mos si dea
Di arenardarin lom-an.
Anianar longcot muar,
Inan maayayuan!
Si nambataran si Anâmuar
Nasujasajat si bungbungnar!



Uar atlunar Misterion meongcot, ot ar
pamayangot dar si yun Jesusar si subit
tarom.

A Jesus! Arin nasasaitan si subit on mora.

Tutuyuâ Dios úr seuar lom-an.

Pa-annomnomon taur sait di aputa-
uar Jesu-Christot namayangtan dat yunar
masantos si subit matarom: on atdi pay
lar ynpanujtjumar, on ynpanmorarar
ysia. Miramay taut aslotandar sin ynat
pandasal tauar si ossan Amamin, on sin-
piun Ave María.

NAUT.

Pinayangtan dat subit
Si Jesus maaru en panunan
Si anán da ari anuman
Si panujtjuma ysia.
Noy ynar Auâ muar,
On uean Ari, on Dios tua,
Ya minoramoraran guet
Si panunan di saitnar.





Uar apatnar Misterion meongcot, ot ynpamasón di aputauar Jesu-Christot cruzar.

A Jesus! namasón at cruzar nisajpatam!

Tutuyuâ Dios úr seuar lom-an

Pa-annomnomon taur ynpamasón di aputauar Jesu-Christot cruzar guet maram-ot, on atdi pay lar ynpiramun di Inanar masantos ysian nantaltalipuyung, on nisungsubub si piôar, si ar acapuyan di arenardarin lom-an guet nasaitan. Miramay taut sait dar sin Inat pandasul tauar si ossan Amami, on singiun Ave María.

NAUT.

Inmoy pinmasón si cruzar
 Di Anâmuar nasaitan,
 On niluuy á pay ysia
 Sirrien dean mapait.

Pinunan di aslotamar
 Si nanbataram y Jesus
 Nisungsungbub si piôar
 Si ar maram-otar cruz.



Uar alimanan Misterion meongcot, ot ar yn-
 panguipasaj dar si aputauar Jesu-Christot cru-
 zar, on nayatanar sirri; ta somban ditau ysia.

A Jesus nipasaj! Ari, on nannob!
Tutuyuâ Dios úr seuar lom-an.

Pa-anomuomon taur sait̃ar, on bain di
aputauar Jesu-Christot nanguilabusan da
ysia, on nanguipasajan da ysiat cruzar;
on atdi pay lar aslotan di Inanar nan-
batar si lom-anardarin sait̃, an yntipen
di Anà-nar si ar ynpanbayarnar si casa-
lanan tauar, an otang taut Diosar. Mi-
ramay taut sait̃, on longcot dar sin ynat
pandasal tauar si ossan Amami, on sin-
piun Ave María.

NAUT.

Arii sait̃ di pusumar!
Si nanguipasajan dat cruzar
Si Anâ-muar mabanál,
An Ari pay lat vyopar.
Misasait̃ ami pay la
Si aslotan yuar sin Ina,
An inpanbayar yun dua
Si casalanan miar lom-an.

*Uar urrumar, an miseup, ot dioy mos si
umpus di Misterioardarin Gayjaya.*

MISTERIOARDARIN MAGLORIA,
an dasalon si allunar eajao, Sábado, on
simba.



Uar maunar Misterion magloria, ot ar yun-
 lianar matajur aputauar Jesu-Christon nan-
 nob yritau.

A Jesus! inmulin matajut magloria!
 Tutuyuâ Dios úr seuar lom-an.

Ngangauon taur gaijayan di aputa-
 uar Santa Mariat nanguilanat Anâ-nar
 mablen inmulin matajut ammain soné,
 on glorian di batangnar masantos. Mi-
jaijaya tau yriran sin-ynat pandasal ta-
uar si ossan Amami, on sinpiun Ave Maria.

NAUT.

Gumaijaya á mos María,
Toy ynmulin tuan matajur
Anâ muar. an magloria
Si marri mos masaitan.

Mijaijaya ami ysia;
Toy batarom di Anâ-muar,
An magloriar batangnar
Manpalingaling ysia.



Uar aruanar Misterion magloria, ot ar yn-
panayang di Anâ di Diosar si vyopadari.

A Jesus nanayang si asdeanar onang!
Tutuyuâ Dios úr seuar lom-an.

Ngangauon taur gajayan di aput
 Santa Mariat nanbataranat Anânar ma
 nanayang si vyopardarit asdeanarla,
 uynat marrin mayap si Angeles, on
 guen di sasantosardarin ynsayatnat in
 nosar, on ynluuyna rirat vyopar.
 jajaya tau yriran sin ynat pandasa
 uar si ossan Amami, on sinpiun Ave M

NAUT.

Nanayang si vyopardari,
 Di Anà muar, an masné
 Euuynat Angeles deé,
 On sasantosardarin nauna.
 Inilam di aram-otnar,
 An ynpanayangnat vyopar
 On sirrit panmeongána
 Si uauanon di Amanar.





Uar atlunar Misterion magloria, ot ar dinatngan di Espíritu Santoar, an bineberan sin Amat Apóstolesardari.

A Jesus! namebet Espíritu Santoar!
Tutuyuâ Dios úr seuar lom-an.

Ngangauon taur gaijayan di aputauar Santa Mariat nilasunan di Diosar Espíritu Santon bineberan sin Ama, on nantanung si pusunar maliting lan pangangalan, on pinunar anguenar masantos si marrin minûnú si ylang on gracion nibus si vyopar. Mijaijaya taut ynatauar tien maayayu si pandasal tauar si ossan Amami, on sinpiun Ave Maria.

Marrin maraum n
 Di bungardarin lom-
 On ilang nibus si vy
 An ynipnuna ysia.



Uar apatnar Misterion maglo
 tayan di aputauar Santa Maria.

Nganguon taur gajayan di aputauar
Santa Mariat natayanar masantos si neir
saitna: on atdi, pay lar ynulianar ma-
taju man-oy si niayanganar si vyopar-
dari, an pinabanganat glorian di Anâ-
nar si man-oy lan man-oy. Mijaijaya taut
pearnar tien mebbes lan panunan si pan-
dasal tauar si ossan Amami, on sinpiun
Ave María.

NAUT.

Dinmatong mos di ojórar,
An inayau mu én sinapat
Si naabusan di atajuamar
Ta umiatu at vyopar.
Niramur Anâ muar,
On yntiur daat ataj-oyar
Manweong at uauanonar,
On minabang-at glorianar.





Uar alimantar Misterion magloria, ot ar yn-
pangoronan di Santíssimar Trinidad si apu-
tauar Santa María, ta siat Arin di pinalsar-
darin lom-an.

A Jesus! nangarona-á y Inam onang!
Tutuyuâ Dios úr seuar lom-an.

Ngangauon taur talongaring di apu-
tauar Santa María, an ynpanpaataj-oy ri
Diosar Ama, Anâ, ón Espíritu Sarto mu
si urrumardarin pinalsa, yningaranan dat
Arin di vyopar, on pioar. Mijaijaya taut
pearnar tien neir ysunat pandasal tauar
si ossan Amami, on sinpiun Ave María.

NAUT.

Ammain tuan pangangalan
Di ableamar, on talong-garing
Toy siá emat man-Ari
Si pinalsardari lom-an.
Mijaijaya ami ysiat
Anmayar aatajayam
On ytna mi lieu Rosario
Ta ypajogôgôs daami ysiá.

*Uar urrumdr an miseup, otdioy mos si
umpus di Misterioardarin Gaijaya.*

LETANIAN

DI YNATAUAR SANTA MARIA.

Kyrie eleyson.
Christe eleyson. etc.

OREMUS.

Gratiam. etc.

PANALANGUEN

an mitnat ybabbangunar si bijbijatar, on nanung di panyatuar si labi.

Igalang û sian Apu Dios, Ama, on Anâ, on Espiritu Santo, tiuran Personas nanbob-on on ossosean Dios: igalang û sia; toy pinalsanâ ysiâ, inpasnobâ ysiat Anâ muar, an Apo Jesu-Christot dèanar mable lan panunân, on ynpan Christiano-â ysiâ. Ngat ibeus-û ysian Apu, an Dios ûn majogôgôs, on mebbes sineir ysum? Ngat ysubbet û ysiân Aman matalayâp siratu gôgôs muar datu? Igalang û siâ, on pasipanatô sian yjaguit; toy ynajôgôsânâ ysiat eajuar besan, (mu labiar) inbaliuâ pay ysiat mardajardarin lom-an on eom dojap. A Dios û! gaijayam otia Apu, ta yrapus mur gôgôs muar si anguear tie, on batang si eajauar besan (mu labiar) urrianâ ysian ybuey si mablear limam, ta marria mos mancasan-lanan. Tuoy mos Apu, di anguear pasi panaraumnardari on batang uar, on panguinanardarin lom-an, an yntujun ûn ytna ysia, ta bantayam diran ajôgôsân, on

ingom diran pasdeon, ta dirat pansu-
siat tu piôar, on asâ minabang ysiat
yopar. Amen.

PANALANGUEN

si nanung di panconfesalar.

pû Jesu-Christo: ajôgôsanâ ysia. Tobe-
di panconfesal uar tie, toy sia et ma-
u: Sia pat majogôgôs, siat ylaloâ an
pebbes, on manpatajut anguear si gra-
nar masantos. Ajôgôsanâ ysian atdan si
nayn pantutuyut casalanâardari, ta
ippatur pusuar tien nanmajan, ta
à si umeajao, on eablabir casalanâar-
t masait ybil, matuan humildad, on
ting si pusu. Dauatom Apû di pajo-
s uar tie; toy sirat anapô, an duma-
ysaon, mu umalijaja-â? sirat mama-
r si casalanâardari? nomnomom, ta
ogosam di Cananear on publicanoar
penitencia, on nantutuyu. Dinauat mu
ynpan-ybil San Pedroar: dauatonâ
ysia Apû on dongueom otiar pajo-
s uar tie; toy urruumeon siat yupa-
si cruzar si ar ynpannob nuar si

macasalananardari. Urriam nomnomon di casalanâardari, acolangâ on dordonguê: nomnomon ay bayao di beas muar, on gôgôs. Mipajna ylar iufiernosar ysaon, toy nancasalananâ; ya marri bayao naan ysiar panaraum muar, on gôgôs muar mangauit ysaon si vyopar. Ajôgôsam di anguear tien macasalanan, on auiliam di sujatnardari. Sian Jesus ut eon-gauâ, siat anapô on ajaijayâ. Pabatar mu ysaon di aya-mosan di aping muar, on matajuâ mos. Panunan majogôgôs Jesus! Orauô ysiat ar ipapajnamardari, on ar panguilauan di Inamar masantos lan panunan, on sasantosardari, ta ylangam oliar anguear maayayuan si yntoj muar madios, an manpanomnom ysaon si acolangâardari, on casalanâ, on manguituturu pay ysaon manguiconfesal yriran lom-an si animain ynahumilde, on pantutuyun di pusuar; ta yjaguit û rayun sin Ama, on Espiritu Santo, tiuran Personas nanbob-on an ossosearean Dios si man-oy lan man-oy. Amen Jesus.

PAJOGÔGÔS

si podaj di panconfesalar.

Maaru en panunan Jesus, an nannob ysaon, pajogôgôsà ysiat ar inpapajnamar-dari, on ar panlauan di Inamar masantos lan panunan, on sasantosardari; ta tobeom otiam pebbeson di ynpanconfesal uar tie, on ta uara ylat colang di satie ynpanconfesal uar, on niorôjardari, nibus si boon nipajuar ynpanguiconfesal uar si casalanâardari, on ynpatutuyuar yri-ra, on nibus si boon masder ping-ot uar manguiluman si pantajuar; ya sansasanan otiar gôgôs muar, on ayayumar daratien ynacolang û; ta mapatauaran di casalanâardarit tu pioar, on lalotat di vyopar. Amen Jesus.

PANALANGUEN

si nanung di pinabangar.

Apû Jesu-Christon majogôgôs lan panunan, maamtat neir ysum, on meb-

bes si neir yngos mu! ammail bain uar, on taut un gumûû ysian Arin di ariardari, on Dios manaraum si lom-an. Am-tam mos Apu, di amoraar, on ynaneirar alagâ si sajungomar mable; toy siat Dios, an manaraum si lom-an, on ua ysaon ot ossa an pinalsan manora, on guet mayubis. Tumanâ eman Apu, on mabayna misajung ysia; toy nomnomô ylar casalanâardarin dee, ya ansan tuar dian di anguear, ansan di ynatajear; mu ampaylamo atdir taut uar, on bain uar an gumûû ysian Apu; ya pajogogosâ ysia; toy ammail pilit di pusûar an majaijajam manauat ysia, on laltay ammail gôgôs muar, on ayayûmar si majaijajardarin manauat ysiâ. Apu ajogosana ysia, on palitingom di anguear, ta mipajna otian pantanungam: dilajam Apû di nomnom uar, esep uar on gaijayâ-ar; ta sia et nomnomô otian esesep on ajaijayan sinapat. Bebeom ypan di angelesmuardarin manuttururu ysaon si mipajnar panguigalang uar ysia toy ua ysaon ot ossa tajun mabojôt, on ua ysiâ bayao Apû Jesu-Christo, ot neir lan tunan di *panarauni-muar*, beas, ynaam ta, on gô-

gôs muar. Umdajolan pajogôgôsâ en pajogôgos ysian Apu si manpirpirua, ta patauaranâ ysia, dilaj-nâ ysia, on ytutruanâ ysiat pangunur uar si mebbes, on panumpal uar si tongtongmuardarin lom-an sitie piôar panluan; ta sumpalô ylan unuron di ajaijayamar, sitie piôar, ya asâ otian mibatar, on minabang ysiat man-oy lan man-oy si ossar atajuan, an neir lan tunana. Amen Jesus.

PANALANGUEN

mu mabus di pinabangar.

Apû Dios, manaraum si lom-an! misalsalamatâ ysiat ar ylangmuardarin nanbob-on; on lalotay toy ynajaijanâ ysian ynpinabang si mablear batang di Anâ muar tanir, an Apumin Jesu-Christo. Pajogogosâ ysian Aman maayayu lan panunan; ta uatie ynpancomulgar uar, ot bo-on sia otiat pangueâ si dusa, mu marri bayao apatauaran di casalanâardari. Pasdeona otia ysaon di panutuar, pansor, on pangaru: paagothonar gaijayaar ysia, on

patayona ysaon di ugaliardarin boon mebbes: pabtiona ysaon di ganaganan di ajamuamuardarin mardaj, on paattubuona ysaon di caridadar, tipear, matuar humildad, on virtudesardarin lom-an. Pajinoona otia pusuar, on sia pay lat manguibaliu ysaon si eomardarin mabatar, on marriardarin mabatar. On manpiossa pat anguear ysian Dios ú, on Apu. On uatoy ynajaijayanâ ynpiolang ysiat tie mablear lajbú, ya pibiangonâ otia pay ysiat lajbúar ma-vyop si gloriar. Amen Jesus.

PANALANGUEN

mebbes si pajauan di misar, on podaj di pinabangar.

Anguen masantos lan panunan Jesu-Christoar, pasantosanâ ysia.

Batang mable lan panunan Jesu-Christoar, ybaliuâ ysia.

Dean Jesu-Christoar, pabirangonâ ysiat aruar madios.

Danum maliting lan panunan, an nibus si lauis Jesu-Christoar, palitingonâ ysia.

Lingot di aping Jesu-Christoar, aui-
lianâ ysia.

Ynariridirilan masait Jesu-Christoar,
pasdeonâ ysia.

A Jesus mebbes! bantáyanâ ysia on
urriam aboloyan, ta mibisâ-a ysia.

Ibaliuâ ysiat eomar mardaj.

Ayajanâ ysiat guitin di atayâar, ta
umaliâ ysia, on mittuâ miasasup ysiâ;
ta mibiangâ si ángeles muardari, on ar-
chángeles, an manguigalang ysiat man-oy
lan man-oy. Amen.

PANALANGUEN

si nanung di panganar.

Apû Dios! ganaganan di pinalsardari,
ot mantangardara ysia; toy siá et pam-
dean dan mamaan yrira, mu potô mos
si panganán! Ngat ybeus û ysián Apu
Dios si niraranar tien anô besan? Ben-
dicionam Apu tien anón; ta maraum
manpebbes si batang uar, sumuyu ysia.
Dâdâna si ganaganan di ángelesardarin
manguigalang yrayun sin Ama, on Es-
píritu Santo, tiuran personas nanbob-on,

on ossean Dios si man-oy lan man-oy.
Amen Jesus.

*Asanan marasal si ossan Amami, on ossan
Ave Maria.*

PANALANGUEN

si podaj si panganar.

Nangan mos di neupsutardarin taju,
on nabsujda mos, on ygalang dan ija-
guit di Apuar Dios di manganapardari
ysia. Cumolangâ bumeus ysian Apu Dios
sitie ynpamaan muar ysaon besan. Si-
nunuran tajun masiringan, on mabsujda
otiat toran di ynan-uar, on saon bayao,
ampaylamo macasalananâ taju, ya ina-
jogosam mos, ta marriâ masiringan: yga-
lang daat lom-anardarin santos mut na
vyopar, on ynaruarumardarit tu piôar;
toy Dios ean Diôs sinapat lan sinapat.
Amen Jesus.

*Asanan marasal si ossan Amami, on esse
Ave Maria.*

PANALANGUEN

*mu maconpan si oracion si bijbijat, mama-
lintur, on labi.*

Uar Angel di Diosar nanguibalita y Santa María, on nisisipet apian di Diosar Espiritu Santo.

I. Ave María napnuat etc.

Tuoyâ mos situn imbeoy ri Diosar, maapia mos ysaon si atdi lar tubutbemar.

II. Ave María napnuat etc.

Naapian tajur Anâ di Diosar, on nittu yritau.

III. Ave María napnuat etc.

Asanan marasal tien***Pajogôgôs.***

Graun mi ysiâ, Apú, ta ysuiung mut anguemiardarir graciamar masantos; ta ua yramin nangamtat tinajuan di Anâ muar Jesus, si ar ynpanguibalitan di Angelesar, ot mibiang ami otiat ar ynarirdirlamar, on Cruzar, si glorian di ynulianar mataju. Amen.

PANALANGUEN

*an panpalibbat si manatungardarin an m
tupan mos matoy.*

Tujan si manbasar.

Uar manbasar siratien Panalanguen manatungar, ot mebbes ta basona rin manayuayun, on ammain asing-auan pusunar. On maim-matunan yla, ta me bes tar pandonguen di man-atungar, urriana otian sugguirón di bajangnar manbasa, on urriana pay riran pantan ngon bason, mu marrin ytuiognat urr si opong di panalanguenar, ta daumon manatungar an ngangauon di mi lamos si sin osar yrira.

Asan dan dumuuj mandasal si masan sar Rosario si panguipajôgôs dat Diosan man-atungar, on mauasitan si majajot benditar; toy sarrit manpabti si diablo darin manliliuos si man-atungar, an m tupan mos matoy.

*Ysajung yo ysiar Santa Cruzar, on pa
ngao yut manpingpingsan, on lalo tay*

majanu mos mapottangan. Natoy ila mos di manatungar, ya marri ayun man alboroto, on ojdon yu bayao di panybilar, on dasalon yur masantosar Rosario si ar abaliuan di anguenar si purgatorioar, on ta majanun amoy si Diosar sirri vyopar.

PANALANGUEN

aptioy, an panguibtauan di manatungar si Panutuar, Pansor, on Pangaru, man-oy si pantutuyudr si casalananardari.

N. Pasdeom di nomnom muar, on panutuamar si Diosar; toy masait mos guet di panguinamar, on majanu an amoy mi sajung si Diosar, urriam aboloyan di soxsoardari, an ysajung di diabloar si manatungar majtupan mos mapottangan; on uara ylat ysojsona ysiat lojejomnean cumontrat Panutuar, Pansorar, on Pangaruar, ya urriam guet tobeon, on atdiom bayao si deum di pusumar, mu urriam daumon ybussuoy si tamil muar.

Apu Dios tutuô si masder lom-anar, an patutuan di Inatauar Santa Iglesiati Christianoardari.

Dios-û on Apû, siat ylaloâ, on pamdean di anguear,

A Dios majogôgôs! Siat aruô, on pableô mu si lom-anar.

A Dios maayayuen panunan! patauaram Apu di casalanâardari.

Ajogosanâ ysia, Apu, ta amoyâ minabang ysian Dios, manaraum, si lom-an, on mebbes si neir aysum.

Sian Apû Dios si nibusâ, on sia pat ajai-jaiâ mos otian ayan, ta minabangâ ysiat man-oy lan man-oy.

Urriam ypuroy di pinalsamar tie: marriâ ylan maraum amoy mibatar ysiat mibus si casalanâardari, ya tuoyâ mos besan Apû, an dumuuj si sajungomar: tutuyûâ di casalanâardari, ybila, on yoroj û riran lom-an, on manpingotâ si masde, an marri mos manpiruan mancasalanan.

Urriam yauir ysaon di apingmuar mebbes lan panunan, an ajaijayan di Angelesardarin pibatâran si vyopar si man-oy lan man-oy.

Itujun û mos, Apu, on yentregâ si limamardarir anguear; dauatom ypan, on yttum yساسup ysia; ta marrin matodaj si apuyar neir tunana.

A Dios ù ! an ossosean Dios on tiuran personas nanbôbôn; uatoy siat namalsa ysaon, nanpataju á ysaon man-oy besan, on nampa-Christianô á ysaon, ya ajayjayam otia, Apú, ta mibiangâ si Angelesardarin mangualang ysiât vyopar si man-oy lan man-oy

Mamis Jesus ù on majogôgôs lan panunan ! siat nannob ysaon si Déamar mablen ynibbong mut Cruzar, ta mauesan otiar anguear, òn ta dumaunâ otian minabang, on mibatar ysiâ; yusdung mu ysaon di matamardarin maayayú on urriam ypeanas besan di anguear sitie piôar paneomán; toy asasup mos di atayâar.

Jesus! Jesus! Ajogosanâ ysiâr besan: patauaranâ ysia. Jesus, María! daddanâ yrayo, ajogosanâ yrayu.

A Marián masantos lan panunán ! siat ylaloâ besan, an manguilaua ysaon si Diosar on siá pat eongauâ besan Dâddanâ otia ysiât tien horas di atayâar.

Inan majogôgôs! Inan maaiayu! Inan di Aputauar Jesu-Christo, on ynâ payla! ypajogosâ ysiât Anâ muar Jesus an aruô, on pablê mu si lom-anar.

Mamis Virgen María! urriam aboloyan,

ta samsamon di diabloar di angueâr: dauatom otia, mu man libbat mos situ mundoar, on ytiur mu otian luuyon, ta marrin matodaj si liangar si infiernosar.*

María, ynan di graciâr, ynan di gôgô-sar! ybaliuâ ysiat diabloar, on amiamom di anguear si guitin di atayâ-ar.

Mamis Jesus û tutuyuâ si ammair casalanâardarin lom-an, an ynapiâ si nansunut nateuâ si esep man-oy besan.

Jesus û! ybilâ mos besan di casalanâardari, tutuyuâ diran lom-an: urriâmos diran piruon: marriâ mos mangunur si diabloar: yoroj ú mos di lomanar, mardaj.

Patauarâ, Apû, di nanopardajardari ysaon, on pajogosâ pay mipatauar si ynpardajuardari.

Sia mos, Apû: Dios ut ajaijayâ unuron, bataron nabangon, on ygalang si man-oy lan man-oy siri vyopar. Amen Jesus.

LETANIAN

DI

APUTAUAR SANTA MARÍA.

Kyrie eleyson.

Christe eleyson.

Kyrie eleyson.

Christe audinos.

Christe exaudinos.

Pater de Cœlis Deus. Miserere nobis.

Fili Redemptor mundi Deus. M.

Spiritus Sancte Deus. M.

Sancta Trinitas unus Deus. M.

Sancta Maria. Ora pro nobis.

Sancta Dei Genitrix. Ora.

Sancta Virgo Virginum. Ora.

Mater Christi. Ora.

Mater Divinæ Gratiae. Ora.

Mater Purissima. Ora.

Mater Castissima. Ora.

Mater Inviolata. Ora.

Mater Intemerata. Ora.

Mater Immaculata. Ora.

Mater Amabilis. Ora.

Mater Admirabilis. Ora.

Mater Creatoris.	Ora.
Mater Salvatoris.	Ora.
Virgo Prudentissima.	Ora.
Virgo Veneranda.	Ora.
Virgo prædicanda.	Ora.
Virgo potens.	Ora.
Virgo clemens.	Ora.
Virgo fidelis.	Ora.
Speculum Justitiæ.	Ora.
Sedes Sapientiæ.	Ora.
Causa nostræ lætitiæ.	Ora.
Vas Spirituale.	Ora.
Vas honorabile.	Ora.
Vas insigne devotionis.	Ora.
Rosa Mistica.	Ora.
Turris Davidica.	Ora.
Turris eburnea.	Ora.
Domus aurea.	Ora.
Fœderis arca.	Ora.
Janua Cœli.	Ora.
Stella matutina.	Ora.
Salus infirmorum.	Ora.
Refugium peccatorum.	Ora.
Consolatrix afflictorum.	Ora.
Auxilium Christianorum.	Ora.
<i>Regina Angelorum.</i>	<i>Ora.</i>
<i>Regina Patriarcarum.</i>	<i>Ora.</i>

Regina Prophetarum.	Ora.
Regina Apostolorum.	Ora.
Regina Martyrum.	Ora.
Regina Confessorum.	Ora.
Regina Virginum.	Ora.
Regina Sanctorum omnium.	Ora.
Regina sine labe originali concepta.	Ora.
Regina Sacratissimi Rosarij.	Ora.
Agnus Dei, qui tollis peccata mundi.	
Parce nobis Domine.	
Agnus Dei, qui tollis peccata mundi.	
Exaudi nos Domine.	
Agnus Dei, qui tollis peccata mundi.	
Miserere nobis.	
℣. Ora pro nobis Sancta Dei Genitrix.	
℞. Ut digni efficiamur promissionibus Christi.	

OREMUS.

Gratiam tuam, quæsumus, Domine mentibus nostris infunde: ut qui Angelo nuntiante, Christi filij tui incarnationem cognovimus; per Passionem ejus et Crucem, ad resurrectionis gloriam perducamur. Per eundem Christum Dominum nostrum. Amen.

PANABAYAS DI MANPAMISAR.

- S. Confitemini Domino quoniam bonus.
M. Quoniam in sæculum misericordia
ejus.
S. Confiteor Deo etc.
M. Misereatur tui omnipotens Deus, et
dimittat tibi omnia peccata tua, liberet
te ab omni malo, salvet, et confirmet
in omni opera bono, et perducatur te
ad vitam æternam.
S. Amen.
M. Confiteor Deo omnipotenti, et Beatæ
Mariæ semper Virgini, et Beato Domi-
nico Patri nostro, et omnibus Sanc-
tis, et tibi Pater quia peccavi nimis,
cogitatione, locutione, opere, et omi-
ssione, mea culpa: precor te orare
pro me.
S. Misereatur tui etc.
M. Amen.
S. Absolutionem, etc.
M. Amen.
S. Adjutorium etc.
M. *Qui fecit cœlum, et terram.*

EN QUARESMA.

S. Flectamus genua.
M. Levate.

AL PREFACIO.

S. Per omnia etc.
M. Amen.
S. Dominus vobiscum.
M. Et cum spiritu tuo.
S. Sursum corda.
M. Habemus ad Dominum.
S. Gratias agamus etc.
M. Dignum et justum est.

AL PATER NOSTER.

S. Per omnia etc.
M. Amen.
S. Oremus etc.
M. Sed libera nos á malo.
S. Per omnia, etc.
M. Amen.
S. Pax Domini etc.
M. Et cum spiritu tuo.

